







Caso

F

39

.326

157-2



DISCOVRS SVR L'EXCELLEN-

CE DES PRINCES REGISSANS

à présent la France, avec vn discours sur l'infelicité des rebelles & la fin de leur entreprises.



Experience des changemens aduenuz és estatz des republicques iadis florissantes, nous à fait cognoistre de nostre temps que lors que les af-

faires d'une principauté succèdent le plus heureusement, & selon le souhait des hommes, les calamitez prennent commencement avec plus d'espouuement, & agouffieuse facherie. Et qu'il soit ainsi, vous qui lisez les histoires tant anciennes que modernes, n'ignorez point que la gloire, & felicité des Assyriens estoit la plus en sa vigueur, que le Monarque iouissoit de ses estatz en paix & asseuree tranquillité, lors qu'il ne se soucioit que de se donner du bon temps, & dresser festins, banquets, & tous ieux, & exercices de ioye pour le plaisir tant sié que de ses barons, & suietz, en vng moment il se veit accablé par les forces non attendues ny redoutées du grand roy des Perses, & perdant son estat, estre priné de la lumiere de ceste vie. Ce grand Roy Macedonien, qui à esté, le temps passé l'espouuement pres- que de tout le monde, à cause de l'heur admira-

DISCOURS

ble de ses conquestes, & que la victoire suiuiroit
comme à souhait le dessein de ses entreprises,
sur le poinct qu'il s'attendoit de iouyr en paix
de celle Monarchie si glorieusement conquise,
& pensoit establi le siege de sa principauté en
l'ancienne Babylonne, le succez des mal-heurs
humains luy coupa chemin, & empeschant ce
plaisir pourpensé, avec vn peu de poison, broyé,
& donné par vn de ses domestiques raut à ce
grand Roy la vie, & sema la discorde par l'Asie,
qui dura longues années entre les successeurs
qui auoyent partage l'Empire conquis par ce
souuerain Prince. Je suis cōtent encor de pour-
suiure les occurences des autres principautez,
pour avec l'instabilité de l'heur qui nous pour-
suit & delaisse, faire aparoirre la glorieuse sa-
gesse de noz princes au maniment des affaires,
puis que c'est le suiet entrepris pour le discours
de c'est œuvre : J'ay laissé vn peu en arriere les
succez des citez libres de Grece apres la guerre
que elles eurent contre les Medes: et comme le
malheur les diuisa, et meit en guerre alors que le
repos, et oisueté les faisoit plus ioyeusement
iouyr du benefice de celle paix obtenue apres a-
uoir vaincu les Barbares, et chassé leurs forces,
& garnisons du païs, et iurisdiction de la Grece
j'ay laissé (dis-je) ce discours, non comme inuti-
le mais pour suiure simplement le fil de L'hi-
stoire des Monarchies. Aussi omettray ie l'ab-
beissement non esperé et plus soudain que l'opi-
non ne l'eust peu conceuoir, de ce grand Roy

de Lydie, le plus riche des Asiatiques, enuolopé en la commune misere des potentatz, et princes assuiettis par l'insolence, et conuoitise de celuy Cire Persan, qui fut païé de ses cruantez par la dexterité, et vaillance desesperee d'une femme, renuoyant le sage lecteur aux historiens qui ont enrichy leurs liures de discours si gentilz et necessaires pour l'instructiō de la vie des hommes. Les Princes d'Asie donc qui sortis des successeurs d'Alexandre viuoyēt paisibles possesseurs des terres qui leur sembloient comme hereditaires, à cause du long temps qui seruoit de prescription durant lequel ilz en auoyent tenu la seigneurie, veirent la reuolte de leur fortune lors que les Romains deliurez de la tempeste Carthaginoise, et affamez, du bien d'autrui, plus conuoiteux de gloire que de richesses, embrasserent par desir la principauté, et Empire d'Asie, et en fin en chassant les Roys sortis de Macedone, changerent l'estat et police, avec le rauissement du nom royal et aneantissement de la tranquillité, de ceux qui glorifiēz, et enorgueillis de l'heur precedent, pensoyēt ne iamais dechoir de telle gloire. Exemple certes remarquable à ceux qui possèdent les grandz royaumes et principautez, et qui sont haucez en honneur: veu que les Romains sortis iadis d'une troupe de pasteurs plus viuant de larecin et surprinses que vsans de iuste guerre ou equité en leur gouuernement, et qui auoient esté menez en si grandes, et extremes necessitez, ores par les

DISCOURS

Toscans à cause de la race dechassée des Tarquins, et autrefois par les forces gaillardes, & furieuses des Gaulois qui les auoyent priuez, & de leurs sinages, et de leur cité, sauf que du Capitole, et à la fin pressez par les assantz, batailles, et deffaites de leurs armées et en Espagne et Italie par ce vaillant foudre de guerre Hannibal, le plus vaillant conducteur qui onc sortist des tertres d'Afrique: ces Romains (dis-je) ont esté ceux qui bouleuerfians le bon heur Cartaginois, meirét fin à la gloire, et Empire des Grecz par toute l'Asie. Et ce lors que chacune de ces susdites nations cuidoit tenir fortune comme, esclau et s'asseuroit en ses victoires passées, fodoit la duree sur la paix de laquelle chascune iouissoit en son pais, quoy que elles estendissent leurs bras vainqueurs, et feissent rekuire leurs armes par les terres de leurs voisins, sur lesquelles elles exploctoient les effectz de la felicité qui atcompaignoit leur repos, et assurance. Car qui eust iamais pense que ces roys victorieux qui auoient fleury, et en armes et en sçauoir, et iouissoient paisiblement de l'estat tant des Perses comme Assyriens, auoient dompté l'orgueil des Iuifz, et assuiety les forces d'Egypte, tenoyent la Grece (quoy que libre) à leur deuotion, peussent iamais seruir à ceux qui ne faisoient que sortir en lumiere et le pouuoir desquelz ne faisoit presque simplement que paroistre. Les seuls sages cognoissent cecy, lesquelz sçauent quelz sont les allichemens de celle fuyte de nos

succez qu'on appelle Fortune, laquelle sur le plus friant atteint de ses mignotises est coustumiere de nous apaster de quelque goust de tant plus mal-plaisant que le premier metz aura esté plaisant et delectable. C'est dequoy se plaignoit Crœse roy Lydien, tombé ez laz de ceste inconstance du sort des hommes: et loüoit le sage Grec, qui n'auoit voulu confesser celuy heureux pui iouist de prosperité en ce monde à cause qu'il mesuroit la seule felicité humaine en la fin de chacun, comme estant icelle là couronne des gestes:et bienfaiz des hommes, qui portoient le tiltre de grandz, et illustres. Encore auons nous dequoy nous esbahir d'auantage voyās ce qui est escrit de la gloire des Romains de leurs alliances, ligue, confederations, conquestes, inuasions, batailles surmontée, Roys vaincus, villes desmolies, potentatz mis à neant citez libres par eux mises en subiection. Et toutesfois sur le point de ceste grandeur estoit le feste de leur felicité, voicy les guerres ciuiles d'un Cynne, Sylle, Marie, Sertoire, Catiline, & depuis de Cesar, et Pompée, et à la fin le debat pour l'Empire entre Auguste, & Marc Anthoine pour la dispute duquel fallust que l'Europe, Asie, et Afrique fussent en armes, et se sentissent de la folie de ses Princes et de la coustumiere inconstance de noz heurs alors que la Monarchie estant reduite soubz la main d'un chascun, pensoit iouyr de la paix, qui n'estant quel'ombre d'un simple repos, seruoit de presage de la

captiuité, et sac presque de tout le monde: et laquelle ressembloit la trop vchemente ardeur du soleil au Printemps, et Autonne: laquelle ne signifie rié de serain guere durable au laboureur, qui iuge par ceste violence le changement du temps en pluye, ou bien facheux orage. Mais en cest endroit on pouuoit excuser la calamité du regne Romain par l'impossibilité qu'un mesme throsne souffre deux, qui soyent esgaux en puissance, comme aussi le chante le Poëte qui descrit les guerres ciuiles quand il dit.

*Nulle est la loyauté, & sans force la foy,
Ou deux en vn Conseil portent tiltre de Roy:
D'autant que compagnon ne reçoit la puissance
D'un Empereur, sinon avec impatiencie.*

Aussi les murs de Rome des qu'ilz furent maçonnez, et bastis, sentirent l'effect de ceste enuie entre ceux qui regnoiet lors que Romule souilant ses mains du meurtre de son frere ensanglanta aussi de son sang, les murailles encore mouillées de la cité chef de l'uniuers. Je n'ay affaire de deduire en quelles angoisses est tombé depuis cest Empire florissant de Rome, & comme estant en sa force il à senty sa ruyne & defaite, à cause que & l'enuieillissement d'iceluy (toutes choses ayans leur cours & vicissitude qui rouë & tourne selon l'occurrence du temps ains plustost ains qu'il plaist à la toute puissance de Dieu) & l'enuieillissement des Princes, qui laissans la vertu de leurs ancestres, & degeneras
des

des loix, & grauité de leurs maieurs, donnerent
cœurs aux estrangers de se ruer sur l'Empire, &
de tronçonner le corps d'iceluy ainsi que on lit
des 30. tyrans, & de l'inuasion des Gothz Huns
Lombardz, Alains, & Vuandales, des conquē-
tes encor faites sur la Gaule par les Bourgui-
gnons, & François, & par les Anglois en la grā
de Bretaine: Je ne deduiray (dis-je) cecy affin
d'euitier prolixité, & pour ne nous esloigner par
trop de nostre subiect proposé, quoy que il nous
soit assez facile d'y rentrer veu la liaison que
l'histoire a en cest endroit, ou les matieres sont
si coniointes, que il semble que l'un propos soit
l'argument de l'autre. Poursuyuant donc le suc-
cez des estrangers auant que entrer en la narra-
tion des nostres, tant pour complaire avec ceste
diuersité au lecteur que pour ne laisser rien de
nécessaire en oubly, ie suis content de toucher
vn peu les Barbares, lesquelz, bien que esloignez
de la purité de nostre religion, & ciuilité cour-
toise de noz façons de vie, n'ont pourtant laissé
d'estre rares en leurs faitz, & excellens en leur
gloire militaire, ny industrieux au maniement
de la police & administration de leur Empire.
Qui est celuy qui ignore que les Turcz est vne
nation autant bragarde, & puissante que on sa-
che à present en tout l'vniuers, & que leurs
Princes & seigneurs sont seulz entre les roys
qui se peuuent dire ayans puissance comme n'a-
yans aucun assesseur en leur Iustice vn homme
qui puisse rien quereller en leur Empire, d'au-

6

DISCOVRS

tant que à l'imitation des anciens Perſes il n'y a ſeigneur, ny gentil-homme que ceux qu'il plaist au Monarque le quel hauce, & de ſa pointe les hommes : tout ainſi que bon luy ſemble, & ne laiſſe moyen à perſonne de luy faire reſiſtance? Les curieux de ſçauoir, & chercheurs des antiquitez, ſçauent que apres que les Atheniens, & autres leurs parens eurent perdu la petite Aſie laquelle à preſent Porte le nom de Turquie, Baiazeſth ſurnommé Hildrin, qui ſignifie foudre du Ciel, & premier du nom, ayant couru la Boſſine, pillé la vallachie & Hôgrie, vaincu les Chreſtiens en Thrace par l'inſolence des noſtres qui ne voulurent croire le conſeil de Sigifmond Empereur, comme il penſaſt (ayant occupé preſque toute la Grece) ſe ſaiſir de Conſtantinople qu'il auoit reduite en toute extremité: voicy ſon allégreſſe conuertie en douleur, & ſa felicité en vn mal-heur le plus grand qui ſçauroit aduenir à homme de ſa ſorte, & calibre Car en ſe meſme inſtant de tēps Tamberlant le plus grand guerrier & heureux prince, qui ayt eſté eu eſgard en ſon commencement depuis que Rome commença à perdre ſa gloire, qui ſe rua ſur la Natolie, enuieux que le Turc fuſt celuy qui peut l'eſgaller en force & puiffance, Baiazeſt couſtumier de vaincre, & impatient de ſouffrir iniure luy va au deuant, & ſ'affrontent les deux armées les plus puiffantes, qui iamais furent aſſemblees, encor qu'on mette en ieu l'appareil de Xerſe contre les Grecz, ou Baiazeſt, perdant la iouinte

SVR LES REBELLIONS.

iournée fut fait prisonnier & seruit avec ignominie le Roy Tartare de mesme façon que iadis l'Empereur Romain fut assuiety au grand Tyran de Perse. Qui lira cecy sans vn grand estonnement, & sans admirer, non l'effort des causes fortuites, mais le secret & merueilleux iugement de Dieu qui pour chasser cest ennemy de deuant les murs presque vaincuz de la Cité de Constantin suscita vn pire, à sçauoir le Tartare, lequel seruoit d'effroy, & ruine par tout la ou il passoit & fust vn obstacle pour celle foy à l'orgueil. Et hardies entreprises du Roy de Turquie. Passons ou re, & voyons encoir les Barbares, car ie veux contenter les curieux qui se plaisent en l'histoire Il n'est aucun tant soit il rude & ignorant qui n'ayt iadis ouy parler des Soudans d'Egypte, i'entendz de ceux qui sortis des terres Circassiennes, quoy que esclaves, chasserent la race Royale qui auoit succedé à ce grand Saladin Roy de Syrie, Palestine, & Egypte, & semancipans de ceste seruitude esleuerēt de leur troupe vn Roy qui commandoit sur vn bien grand Empire : i'entens parler des Mammeluz qui tenoient mesme rang en la court du Soudan que font à present les Ianissaires à la suyte du grand Turc. Ce qui aduinist du temps du Soudan Melechsaleh, celuy qui avec la force de ses Esclaves, que premier il establit à sa grand' confusion, veinquist le Roy saint Louys, à Damitte.

Lequel Roy Barbare sur le point de ses

DISCOVRS

victoires, & en sa plus grande, gloire lors que
 il pensoit iouyr de ses aises fut occis par ces
 mesmes Esclaues qu'il auoit agrandis, & aus-
 quels il fioit, & les estatz, & sa vie. Ces ga-
 lans eslisent vn Soudan de leur compagnie &
 ont regné paisiblement iusques à nostre temps:
 mais leur gloire cōmença deslors à estre assou-
 pie & estainte que estās au plus hault degré de
 leur felicité sous ce puissāt prince Caitbey le pl^e
 hureux des roys sortis des Esclaues comme ce-
 luy qui vaiquist les Turcz en Caramanie, chas-
 sa les Persans d' Armenie & se faisant possesseur
 de l'Arabie heureuse merita de porter le tiltre
 de grād aussi bien que vn Pompée ou Alexādre,
 ils furent priuez de sa suite mais cestuy mourāt
 l'heur des circasiēs pelcoula, & quoy que Cam-
 pson Gauri fust homme vaillāt & excellent en
 ses actes, & assez iuste en son Empire, si est ce
 que non content de sa felicité il irrita Zelin
 Empereur des Turcz, lequel faignant d'aller sur
 le Sophy se rua sur les terres du Circasse, & en
 peu de temps ruina l'Empire des Soudans qui
 auoient tenu l'Egipte, Syrie, Palestine, & Ara-
 bie souz leur puissāce, & mourut Campson
 par la trahison de Caitbey, & estāt deuis esleu
 roy Tomombey homme hardy & sage en ses af-
 faires, si est-ce que la fortune luy tournant le
 doz, il fut occis à la prise du grand Caïre par les
 Turcz qui s'en firent maistres, & ennullerent
 du tout & la puissāce & le non des mammelus
 par tout le pais Lenātin. Je suis contāt de lais-

ser pour ceste fois (affin que il ne semble que i'oublie mon suiet prétendu) cōme le roy Ethio-
pien, que nous apellons Prête Iean, fut presque
en mesme saison chasse de tout, le continent
d'A sie & pais de l'Empire des Indes Oriētales
par le grand Cam de Tartarie, lequel descendu
de bas lieu s'est rendu espouventable par telles
conquestes, & au Persan en oriēt, et au mosco-
uite es parties Septentrionales, taisant ceste his-
toire Barbare, & lointaine quoy que plaisante
retourneray sur les nostres Chrestiens, passant
soudain en Frāce pour y singulariser la singulie-
re prudence de ceux qui à present la regissent,
lesquelz au mesme malheur, se conseruent la fe-
licité entiere. Y eust il iamais regiō n'y Prouin-
ce plus triomphante & glorieuse que l'Italie,
laquelle outre que elle à porte tant d'hommes
excellentz & en paix, et en guerre a encor esté le
chef et regne de toutes les nations presque de la
terre? Ceste cy de l'aage d'asses fresche memo-
re de nos peres lors que toutes choses sembloiēt
luy prosperer à souhait et que la ioye s'enraci-
noit par les citez d'icelle à cause de la paix la-
quelle monstroit vn visage plaisant à ceste bra-
garde et accorte nation : voicy les miseres qui
offusquerent l'aïse Italien, et le malheur qui y
lança vn cousteau si poignant, et plein de sang
q̄ toute l'Europe se ressetist depuis de son cruel
arrousement. Car vn chascun sçait que despuis
quel l'Italie fust deschuē de ceste magnificence
& gloire de l'Empire à laquelle elle estoit par-

uenüe, et par la dispositiõ celeste, et par sa propre vertu, iamais elle n'auoit vescu en plus grand repos ny felicité ou succez desiré des choses humaines que elle faisoit lors que courant l'an 1490. aucun ne pensoit plus voir rié qui troublast cest aise, empeschast le cours de la fortune hureuse presque de tout le monde: veu qu'on ne voioyt vn seul coing de l'Italie fut il montaigneux, ou en planure qui fust desert, en friche, ou ressentât rié de sterilité: n'estoit ville n'y cité qui obeir à pas vn Prince estrâger, chascune est gouuernée, ou par ses loix, et en sa liberté, ou se voyât regie par ceux de sa natiõ: Et cè qui plus l'illustroit c'est que outre la gloire de l'art militaire & la sage cõduite de tât de princes excellẽtz qui se faisoÿẽt cognoistre dignes de grâdes charges par tout l'Vniuers Chestien, on voioit vn si grãd nõbre d'hõmes de scauoir, et iceux si oinez de toute sorte de doctrine que ie ne sçay si iamais l'Egypte et la Grece, ny les môtaignes des Gymnosophistes en cogneurent de si parfaiz & accomplis fut en la cognoissance des choses, ou en l'intelligence absolüe des lãgues. Mais quoy? il ne fault guere grand nuage pour offusquer la clarté & splendeur d'vn Iour serain, ny grãd desastre pour empeschier le cours de noz aydes, vn peu d'ambition de quelque grand, l'esperit trop chatouilleux de celuy qui ne peut viure en paix suffist à rõpre le repos de tout le monde, ainsi que de nostre temps nous n'auõs que trop experimẽté, & à nõstre grand regret, & cõme lors le sen-

tit l'Italie par les menées d'un duc Milanois lequel voulant se preualoir contre l'Arragonois, affin que il ne luy ostant les moyens de se faire Duc de Milan commé desia il en estoit gouverneur, incita Charles huitiesme roy de France: à poursuiure le droit que il auoit au royaume de Naples, q' l'Arragonois luy detenoit cõtre toute raison; et de c'est arbre sortirent tout les fruitz de malheureté, qui causerent l'aneantissement de l'heur et gloire anciene de toute l'Italie: Laquelle n'a sceu tant faire depuis que la plus part des citez libres nayent esté reduites en miserable seruitude, ou si elles viuent souz leurs loix, si est-ce que encores depèdēt elles de la volõte de quelque grãd pour se preualoir cõtre l'effort & inuasion d'autrui, ainsi que lon peut voir en l'estat de Luques, et seigneurie ducale des Geneuoys: Car les Toscãs sont du tout esclaves, & mis ē facheuse seruitude, si l'on a esgard pl^{us} à ce qu'ils ont esté iadis q' à la sage cõduite de celuy qui gouuerne leur estat et republiq. Quelcū se faschant de lyre pourra s'enquerir à quel propos ie dis tãt de choses veu qu'elles sont esloignees du tiltre de ceste œuure, mais ie le prieray, de ne estre hastif et impatiēt car tout à loisir ie le cõtẽteray, & ne m'essoigneray en riē ny de son attēte ny de ce q' i'ay propose: estat cecy tãt liē avec mō dessein, q' ie ne le pouuois omettre sans faire tort, et à mō discours, et au lecteur, qui recherche les choses selon qu'elles doiuent estre disposées. Que si ie faux en biē faisāt, il suffira d'auoir

DISCOURS

failly vne foys. Et m'en plaist la faulte, à cause
 qu'elle peut seruir aux François, et suis seur que
 sera agreable à ce grand et Heroic prince pour
 le passetemps duquel i'ay pris la peine de faire
 ce recueil, seruant à l'eclercissement de la mati-
 ere que ie veux et pretens deduire sans me sou-
 cier de chose que l'enuieux et mesdisant sçachét
 dire, veu q' i'ayme mieux vn clin doeil, et doux
 visage d'un esperit gentil, et aymant le repos
 & tranquille vacation des lettres, que ces cer-
 ueaux qui ne sont iamais cõtens, s'ilz ne s'appai-
 sent en debatz, et medisance. Mais à propos tou-
 tes ces nations ayant senty le deffait de leur ex-
 cellance, n'ont peu oncques guere depuis hau-
 cer les cornes, et se remettre en leur premier es-
 tat, quelque diligence qu'elles y ayent employé
 soit que les discordes ciuiles les ayent destour-
 née de leus bõs propos, & salutaires dessains, ou
 que leur accablement soit procedé pour ne sça-
 uoir viure vsàs du benefice de leur liberté, ainsi
 qu'en est aduenu plusieurs fois aux Milanois les-
 quelz estans deliurez de l'oppressiõ de ceux qui
 les tyrannisoient n'ont onc sçeu ny peu se mai-
 tenir en estat libre, estans accoustumez des long
 temps d'estre soumis à l'obeissãce de leur Prin-
 ce, Là ou les François quoy qu'ilz ayent diuer-
 sement et souuent experimenté tout ce qui est
 extreme en la misere, et calamité apres vn grãd
 repos, si est-ce que tousiours ils ont repris cœurs
 & se sont ostez le ioug de tel accablement, avec
 la saige cõduite de leurs rois, et hardiesse inuin-

cible de leurs courages avec laquelle ils ont fait trembler les nations estranges, au temps mesme qu'ils estoient assaillis en leurs maisons : d'autât que ce n'est de maintenant que noz rois et princes soulagent chacun qui les requiert de secours en leur necessites, veu que les Empereurs Romains ont senty ceste courtoisie Françoisé lóg temps au parauant que lez nostres eussent fait profession du Chistianisme ainsi que font foy, & noz annalles & toute l'histoire des estrangers. Surquoy ie m'amuseray quelque peu & rechercheray les calamitez Gaúloises, afin qu'au paragon & exemple des anciens ie monstre cōbien est excellente la generosité de cœur, gail-lardise, preuoyance, & sagesse de ceux qui au iourd'huy conduisent les affaires de France, qui animez du renon qui eternisera la memoire de leurs faictz selon les vers du poëte quand il dit.

*Achascun est son iour prefix & arresté,
Et le temps pour le vivre à tout homme presté
S'escole, au monde, & est irreparable & sur:
Mais d'acquerir un nom qui perdurable court,
Par gestes, & hautz faictz: tout cela c'est à faire
A celuy, dans lequel vertu fait son repaire.*

Enhardis, dis-ie de l'espoir de ceste gloire, se hazardent à tout peril, oublient les delicatesses esquelles l'enfance sembloit les auoir enseuelis, & font tellement paroistre le lustre de leur vertu que la fortune qui les assault, le sort humain l'opposât à leur dessein & presque, le ciel se mu-

tinât contre leur générosité, ils ruent à bas celle
 même misere, laquelle à reuerse les Royaumes
 plus puissans, & les monarchies plus grandes &
 florissantes de l'vniuers, lesquelles se sont tout
 ainsi esuanouïes que l'ombre qui passe de nuit,
 & defaut aussi tost que la clarté & absconce &
 estainte: & n'en reste rien plus que l'image qui
 en est tracé par le benefice des bons esperits qui
 ayans pitié des hommes excellens, en leur mes-
 me ruine les font viure avec l'ame viue, impr-
 mée au Ciel, de leurs escrits qui surpassent tou-
 te memoire. Car si les historiens tant Grecs, Lâ-
 tins, Hebrieux, que Barbares n'eussent renêché
 de l'injure du temps les Roys Assiriés, Medes,
 Perles, Grecs, & Princes Romains, leur me-
 moire s'en fut volée avec le son de leur chute,
 & ignoreroions qui furent les conquerâs de Ba-
 bilô, ou ceux qui abastardirêt la gloire de Gre-
 ce, ou avec quelle prudence, forces, & ruses, les
 Romains se sont faits Seigneurs iadis de tout le
 monde. C'est par ce moyé Prince Royal, que
 nous cognoissons vn Pharamond & Meroué, &
 auons cômme fresche souuenance des glorieuses
 conquestes de Clouis, Charles Martel, Pepin
 & Charles surnomé le grâd, & scauons de quel
 sang & illustre race sont sortis ces diuins fleu-
 rons qui à present emplissent la France, & l'v-
 niuers de la bonne odeur de leur renommée. Ce
 sont les bons esprits que vous deuez cherir les-
 quelz vous deffendent de ce que le fer ny le feu
 ne scauroient vous deliurer, à scauoir d'un ou-
 bly.

bly effaçant le souuenir de toutes vos actions triomphes, conquestes & victoires. C'est l'esguillon qui paignoit d'une enuie honneste le grand Alexandre pleurât sur le tombeau d'Achille pour ne point auoir vn si excellant trompette de ses louanges que l'Aueugle Homere s'amusant à descrire les prouesses du filz de Thetis. C'est ce qui à esmeu vn Gentilhomme de nostre temps à dire en poësie, escriuant au Roy Henry second cez mots autant doctement dressiez, comme le Poëte a esté vn des plus gentils de cest aage.

*Car l'esperit reuuya son eternité
Et voyent au miroer de la diuinité
Tout ce qu'on fait icy comme au ciel il herité
Avec vn heur parfait du fruit de son mérite,
Aussi sent-il le bruit qu'en terre il a laissé
Pour les faits dont il est au ciel recompensé.*

Puis aiouste ce qui est le plus necessaire, & dont les princes ont le plus de besoing, parlans des sages qui ayment & cherchent qu'on donne vie durable à leur nom:

*Emprunteront les mains,
Et l'immortel labeur des doctes escriuains
Par le moyen desquelz plus viuants ilz sont ores
Que du tēps qu'ils viuoient, & leur beaux faits encores
Plus receus que ceux là qu'on voit presentement,
Sans de force à l'histoire escripte doctement.*

Et faut estimer que non la seule gloire que François. 1. du non a acquise es assaulx, & vi-

toires soit contre le Suisse, l'Espagnol, ou Italien la rendu recommandable, & son non illustre parmy les nations estranges ains le fondement le plus solide de ses louanges depend de ce qu'il a renouuellé le sçauoir, & rapellé en son Royaume les bonnes sciences, bannies par la rudesse des siecles passez, & ignorance de ceux qui estoient sçauants simplement par cōtenâce sans aucun effort. Le m'esgare par trop sur le discours lequel merite & plus de temps, & vn esprit plus suffisant & mieux dressé que le mien ainsi ie m'en vay recourir sur mes brisees & visiter vn peu l'histoire de France, assez mal fucilletée par les nostres, & Plus grossièrement dressée par les anciens Annalistes, ausquelz toutesfois nous deuons de retour: puis quil nous ont desfriché le camp, ou à plaisir nous puissions semer les grains dignes de la nourriture de nostre noblesse. Le loisir ne me permet de mesgaier sur la gloire des anciens Gaulois & que aussi ie me reserve à vne saison meilleure & a vn œuvre plus solide pour l'illustration de noz ancestres, affin de les tirer de l'oubly, & aneâtissement esquels on les a plongez pour la suruenue des estrangers en ceste Gaule. Et pource ie choisiray les siecles plus proches, & des le temps que les François mirent le pied en Gaule, & s'en feirent seigneurs aydes par la misere cōmune de toutes les prouinces suiuettes à l'Empire Romain lequel avec le peu de cœur des Monarques & troublées par guerres ciuiles furent contraintes de souff-

fuir ioug estrange & de receuoir pour seigneurs
ceux qui en autre saison n'eussent osé penser de
seulement les regarder pour attaquer en bataille
eussent eu la hardiesse d'entrer en leurs terres,
ny tant sen fault la Puissance de les assuiettir,
ainsi que depuis il ont fait par l'enuiellissement
de la monarchie François laquelle haüoit la
reste glorieusement du temps de Clouis surnomé
le grand, celuy qui assuiettissant l'Allema-
gne, & vainquant les Roys ses voisins fut le pre-
mier que fit profession de nostre sainte Reli-
gion tellement que ceste gloire François estoit
paruenue, iusqu'à là, & que les Empereurs qui
seoyent an constantin ple & les Roys Gots, &
Visigots esbais de ceste felicité ne cherchoient
que la paix & alliance des princes de ceste na-
tion Mais voyons côme en la naissance presque
de ceste grandeur, la foiblesse y print tel pied,
que des ausi tost que Clouis fut decedé, il sen
fallut bien peu que les freres ses enfans ne fus-
sent cause par leurs discordes, de la ruine d'un
Royaume le plus florissant & heureux qui fut
pour lors en l'vniuers. Et fut tellement trouble
l'estat, & repos d'iceluy que les petits copagnons
esmeuz par l'exemple de leurs princes se guer-
royent l'un l'autre, & se ruoient sur l'Eglise sans
aucun respect ny reuerence des choses saintes
afin qu'on ne pense que cest d'auourd'huy que
les discordes ciuilles aportent le mespris & de-
gast de ce qui est le plus saint entre les homes,
veu que les Iuifs quoy que zelateurs de leur s-

perdition, encore durant le siege de Ierusalem, estoient ceux mesmes qui profanoient le temple duquel ils se targuoient contre l'effort des Romains. Et fut la paix vne fois violée si desfreiglement pour lors chassée de France que les Euesques en lieu de poursuivre l'union & des Princes, de la noblesse, & du peuple, estoient ceux qui mesmes aiguisoient les cousteaux & allumoient les torches estincelantes de la guerre: tesmoing ce cruel Sagitaire, qui causa la ruine de tât d'hommes, ainsi que racôte Gregoire de Tours en son histoire: Et pour les insolences desquels salut que les roys pourueussent à leur affaires, & se messassent de chastier ceux que les seules censures ecclesiastiques deuoient cōtenir en leur deuoir & office. Louë soit Dieu que nostre misere quoy que grande, n'est pas venue iusques à là que les consacrez à Dieu, ayent rien attété avec le glauiue, & s'il y à quelque faute parmi eux, ils en souffrent aussi la pœnitence & s'humilient soubz la main puissante de Dieu, recognoissans que cest orage & tempeste tât d'agereute est suscitée, & pour leur negligence, & peu de soing du troupeau, & à cause des pechez du peuple, qui laissant Dieu ne regardoit que les delices & plaisirs nuisibles de la chair, Ces premiers François regnans ainsi respectez de chacun, se rendirent cōtemptibles, & s'effeminats en ce grand aise & annonchalissans pour se voir par trop en repos furent aussi despouilleez de la monarchie nonque pour cela l'estat fut changé & que le

royaume sentist aucune diminution de la gloire ainsi qu'auôs dit estre aduenü à tant de nations abolies & aneanties par la victoire de leurs ennemis. Car la race des princes d'Austrasie ayant guerroyé contre les roys venât de Scythie que nous apellons François, se faist en fin du royaume & couronne, sans rien changer que la misere en vne si grande felicité, & la faincanti-se en vn si grand cours de victoires que toute l'Europe presque sentist la force de ceste race gauloise, & non glorieux des enfans de Pepin: & fust Charles le grâd celuy q remist sus l'honneur descheu de ceste nation, la faisant victorieuse des Sarraïns, Gascons, Gots, Lombards, & de la mesme cautelle des Empereurs peu loyaux & fidelles de Grece. Mais qui eust iamais pense qu'un Empire qui estoit si bien & fermement estably, & vn si grand repos que celuy duquel estoit la France viuât Louys le debonaire deust sentir vn tel travail, & voir vn si grand obscurcissement que celuy qui apparust es affaires troubles de ce Royaume par les menées & monopoles des enfans mal conßeillez lors qui conspirerent contre leur pere? Quel changement d'aïse fut celuy, ou vn grand Empereur, & heureux, crainct & redouté des roys estrâges, se voit pris par ses propres suiets, en prisoné par le consentement, voire poursuite de ses propres enfans & mis en vn monastere comme au lieu de son exil, & bannissement? Voyez si en cela l'heur mondain n'est declairé sans aucune stabilité, &

si la ioye des hommes n'est moindre que iour-
 naliere, & si les grandeurs, Empires, & puissan-
 ces ont quelque cas qu'on puisse iustemét a-
 peller assurance. Charles surnommé le Chauue
 fils du debonnaire, cuidoit tenir fortune par les
 cheueux, et se rendre glorieux par dessus l'heur
 de ses ancestres, ayant vaincu son frere en l'Au-
 xeroix mais quoy? la victoire fust si nuisible aux
 viqueurs, et l'heur si malheureux à toute la
 France, que ce seul moyen fut celuy qui donna
 force, et hardiesse, et moyen aux Normands, na-
 tion barbare et infidelle, de ce saisir du pais de
 Neustrie, & courir presque toutes les terres su-
 iettes à l'Empire François sans qu'aucun em-
 peschast leurs courses, ou osast les affrôter pour
 les chasser hors du royaume. Le sang de Char-
 les le grand estant aneanty par le rouëment, &
 change des choses ainsi qu'elles se comportent
 ça bas, quelz rois ont plus glorieusement triô-
 hee que ceux qui sortis de la viaye race Gauloi-
 se après que hué capet se fust épare de la courô-
 ne, ont gouuerné le Royaume de France? La
 sagesse de Hué, la Saincteté de Robert, & vail-
 lance de Henry premier. Et grandes victoires
 de Philippe de Valois me font asses fort de cecy
 & chantent assez, sans qu'il faille remplir le
 recit de choses tant cogneues. Neantmoins
 Louys le Gros ne iouïst de l'aise de ceste Paix
 Et tranquillité inquieté par le Conte d'Au-
 uergne, & Guillaume le Bastart, & plusieurs
 autres Seigneurs solicitiez par l'Anglois à se

reuolter contre leur souuerain, de l'issue de l'entreprinse desquelz nous parlerons, encor sur la fin du present discours. En somme n'y eust iamais Roy si puissant ny heureux en France, lequel au milieu de ses aises n'ayt senti les traues poignantes de fortune: Car quoy que Loys le ieune fust iouissant d'un grand repos, & que tenant son Royaume en assurance, il eust le loisir, et moiens de passer la mer pour la deffence des Chrestiens se tenans en la terre Sainte, si cogneut il la reuolte de cest aise. Es embusches dressées contre luy par celle mesme qui estoit sa compaignie de couche, et fust empesché à punir les rebelles de plusieurs des siens tels ne furent le Conte d'Auvergne les Seigneurs de Puy et de Polignac, et du Conte de Chaalôs et Bourgois de Vezelay lesquels se couant le ioug de toute obeissance pilloyent les biens de l'Eglise, & faisoient iniures infinies aux Ecclesiastiques Lesquelz actes certes estoient les auâtcoureurs de l'heresie bien tost apres semée es terres de Languedoc, et Prouuance, comme de tout temps cela et adueni que iamais l'Eglise ne sent aucun mespris, ou concussions, que soudain ne s'en ensuiuent quelque plus grand desgast, à sçauoir celuy, qui corromp la plus saine & meilleure partie de nous, qui est l'ame et se lance es cœurs pour les empoisonner avec l'yraie de fauce doctrine. Et qu'il soit ainsi depuis que on a oppresse l'Eglise en la priuant de ses droicts et que les faueurs ont crée des pasteurs

sans soing, ny suffisance; que les biens d'icell
 ont esté indifferamment maniez à l'egal du do-
 maine des seigneurs du siecle, on a veu toute l'
 Europe, pleine de diuisions en ce qui est de la re-
 ligion, & le monde assailly d'heresies. Aussi re-
 gnant Philippe Dieu donné commença à pul-
 luler, mais biē à germer, & esclora à bon esciet
 fruits de l'heresie des Albigeois source & fon-
 taine de la plus grād part de ce que tienēt les
 à present noz ennemys de l'Eglise Romaine,
 & qu'ont suiuy les Vvicleuistes les Hussites,
 & puis après les Lutheriens. Ce bon Roy &
 bien fortune Prince quoy qu'il eust conquis la
 Guienne & Normandie sur les Anglois, & tint
 son peuple en grand tranquillité, si fut il trou-
 ble en mesme saison, & par quelques rebelles,
 & par l'Anglois son ennemy, & par les, cōspira-
 tions des heretiques qui estoient appuyes de plu-
 sieurs grans de ce Royaume & soulagez par la
 conniuece, & palliée simplicité du Roy d'A-
 ragon qui suiuiot la cause des Contes de Foix,
 Cominge, & Toulouze, lesquels estoient avec le
 seigneur de Biaron ouuertement declarez en-
 nemis de la croix & persecuteurs de l'Eglise.
 Icy faut que l'accuse celuy qui a fait l'histoire
 des Albigeois comme peu soigneux de la veri-
 te, de l'honneur d'un si Roy Catholique que Phi-
 lippe Dieu donné, car il dit que ce bon Prince
 ne se soucioit des affaires des fideles contre les
 heretiques, quoy qu'il est assez notoire que ny
 le comte de Monfort, ny autres seigneurs de ce
 Royaume

royaume ne feirent ceste entreprife, sans l'aueu
& secours du roy, & que aussi Louys fils aîné
de France feit luy-mesme le voyage, & prist la
cité d'Auignon laquelle tenoit le party des Al-
bigeois, de sèblable faute se marquent plusieurs
qui trop affectiõnez à leurs partis ne font cons-
cience de laisser le principal d'une histoire mais
l'exculse l'historien à cause qu'estât moyne il fait
le discours à l'aduentage de ceux de sa sorte, &
nous bastit les victoires si miraculeuses qu'il se
feroit tort si en telles merueilles il y mesloit la
puissance d'un tel Roy que celui de France: le-
quel certes quoy que assailly, & par l'Anglois,
& par l'Alemet, qui souz Othó Empereur vint
iusque à Bouuines, par da sollicitation d'aucuns
rebelles de France, feit son deuoir en l'extirpa-
tiõ de ceste heresia. Ainsi vous voyez seigneurs
François que ce n'est pas de maintenât que ceste
nation Barbare a enuie sur vous, & que elle se
vend à peu de pris & legerement sans auoir es-
gard à la iustification des querelles. Mais tout
ainsi que Philippe les deffit à Bouuines, quoy
que assiste de leur Empereur, i'espere que si la
temerité cõduit doreinauât les protestas d'Al-
lemaigne en France elle sera cause de leur def-
faite par l'heur de ce grand capitaine royal qui
en son enfance presque a fait autant que les plus
rusez chëfz durant le cours entier de toute leur
vie: ie parle de ce Prince tresillustre & très-chré-
sien Henry nostre bon Roy lequel non iamais
las de bien faire, a appris aux rebelles le chemin

perstitution, encore durant le siege de Ierusalem, estoient ceux mesmes qui profanoient le temple duquel ils se targuoient contre l'effort des Romains. Et fut la paix vne fois violée si desreiglement pour lors chassée de France que les Euesques en lieu de poursuite l'union & des Princes, de la noblesse, & du peuple, estoient ceux qui mesmes aiguisoient les cousteaux & allumoient les torches estincelantes de la guerre: tesmoing ce cruel Sagitaire, qui causa la ruine de tant d'hommes, ainsi que raconte Gregoire de Tours en son histoire: Et pour les insolences desquels salut que les roys pourueussent à leur affaires, & se messassent de chastier ceux que les seules censures ecclesiastiques deuoient cōtenir en leur deuoir & office. Louë soit Dieu que nostre misere quoy que grande, n'est pas venue iusques à là que les consacrez à Dieu, ayent rien atteté avec le glaue, & sil y à quelque faute parmy eux, ils en souffrent aussi la pœnitence & s'humiliet soubz la main puissante de Dieu, recognoissans que cest orage & tempeste tant d'agereute est suscitée, & pour leur negligence, & peu de soing du troupeau, & à cause des pechez du peuple, qui laissant Dieu ne regardoit que les delices & plaisirs nuisibles de la chair, Ces premiers François regnans ainsi respectez de chacun, se rendirent cōtemptibles, & s'effeminats en ce grand aise & annonchalissans pour se voir par trop en repos furent aussi despouilleez de la monarchie non que pour cela. l'estat fut changé & que le

royaume sentist aucune diminution de la gloire ainsi qu'auos dit estre aduenu à tant de nations abolies & aneanties par la victoire de leurs ennemis. Car la race des princes d'Austrasie ayant guerroyé contre les roys venât de Scythie que nous apellons François, se saisist en fin du royaume & couronne, sans rien changer que la misere en vne si grande felicité, & la faineantise en vn si grand cours de victoires que toute l'Europe presque sentist la force de ceste race gauloise, & non glorieux des enfans de Pepin: & fust Charles le grâd celuy q remist sus l'honneur descheu de ceste nation, la faisant victorieuse des Sarraïns, Gascons, Gots, Lombards, & de la mesme cautelle des Empereurs peu loyaux & fidelles de Grece. Mais qui eust iamais pense qu'un Empire qui estoit si bien & fermement estably, & vn si grand repos que celuy duquel vsoit la France viuant Louys le debonaire deust sentir vn tel travail, & voir vn si grand obscurcissement que celuy qui apparust es affaires troubles de ce Royaume par les menées & monopoles des enfans mal conseillez lors qui conspirerent contre leur pere? Quel changement d'aïse fut celuy, ou vn grand Empereur, & heureux, craint & redouté des roys estranges, se voit pris par ses propres suiets, en prisoné par le consentement, voire poursuite de ses propres enfans & mis en vn monastere comme au lieu de son exil, & bannissement? Voyez si en cela l'heur mondain n'est declairé sans aucune stabilité, &

& exécutez par l'espace de plus de cent ans entre ces deux nations si bragardes & guerrieres, & lesquelles estoient si obstinemēt acharnées l'une contre l'autre, que ny la sagesse de Charles le Quint, ou gaillarde ieunesse du sixiesme y peurent mettre fin, ains fut cela reserué au plus infortuné & calamiteux prince qui onc porta couronne en France à scauoir à Charles septiesme lequel si iamais Roy sceut que vault aduersité & quelles sont les forces de fortune, celuy en peut parler à la verité ayant gousté l'amertume extreme, & plus mal à goust que on scache auoir esté auallée par hōme de sa sorte, car i'ose bien dire de luy, que depuis son enfance il n'eut vn iour de repos, iusque à ce que sur l'aage Dieu le regarda en pitié & conuertit ses pleurs en allegresse, & les troubles de son Royaume, & misere de son peuple, en vn repos desiré, & felicité souhaitée de tous les estats. Je n'ay affaire de discourir avec quel defastre fortune reuolta ses desseins contre Loys onzième lors que succedant à son pere pensoit iouir paisiblement du repos auquel le roy deffunt auoit laissé, & son peuple, & ses terres. Et ne m'amuseray à ce qui aduint à Charles huietiesme assailly des siens mesmes sur le point le plus assuré de France, & qu'elle suite eust ceste calamité comme le succez de l'heur mondain le fait passer en Italie. & ouurist tous les passages, villes & citez, fait trébler toute l'Europe au simple recit de son non se faisant couronner Roy d'un grand royaume

qu'il conquist presque sans desgainer espee, ou rompre aucune lance en combat, ou bataille & toutes fois en vn rien presque il se veit depossede de sa conqueste, affoibly de tant de gens de bien morts es assaults: & desseignant la vengeance & recoürance de ce qu'il auoit perdu, priué de hoir de son corps mourut laisât le royaume à celuy qui auoit esté au parauant son mortel ennemy, toutes fois, vray surgeon de la source legitime & droituriere de ceux qui sont vrais heritiers de la couronne passeray souz silence les felicittez de ce bon Roy, sorty de la maison d'Orleans, de laquelle sont issuz aussi les tres-illustres princes de l'estoc roial, qui portent à present le nom de Frâce, & côme ayant tenu teste à tout le mode, vaincu la sagesse cauteleuse des Venitiens, rendu la liberté à l'Italie, conquis, l'antié & legitime patrimoine du duché de Milan, en fin ceste ioye & aise s'euanoissant il perdist presque en vn simple moment tout ce qu'il auoit gaigne par plusieurs années & puis fiez vous es inconstances de fortune, soubz laquelle François premier du nom, ce grād mats, & foudre de guerre, & viay restaurateur des bōnes, sciences sentist vn assaut fascheux, apres auoir vaincu cel le effroiable natiō mōtagneuse laqu'ille arrogamment s'osoit attribuer le tiltre de chastiment des princes, apres auoir dis-ie vaincuz les Suisses, & recouuré l'estat de Milā, se veit en fin durant ceste mignarde trahisō de fortune enuelpé en ses laz & pièges, deuenant de grand roy,

de puiffat Monarque, prifonnier en terre eſtrā-
ge, & ſoumis à la volonté & diſcretion, de ſon
plus grand & cruel aduerſaire. Auſſi cōme, dit
le Poëte:

*Le fort & cas fortuit vient ravir tout à ſoy
Et l'inſtable fortune & ſans aucune ſoy
Fait nuifance & ennuy tout ainſi qu'il luy ſemble
Aux hommes, & les met eſloigner ou enſemble*

Mais tout cecy n'eſt riē eu eſgart au malheur ad-
venu à la France apres l'apaſt, & eſpoir attra-
yāt, prefētē par le ſucez des aiſes humains, lors
qu'apreſtant & de ſi longues guerres qui ont
affoibly les forces communes, & d'Eſpaigne,
France, Italie, Alemaigne, & Angleterre, &
eſpuiſe les theſors des rois les pl^r riches, & puis-
ſans de l'Europe, on n'eut veu vne paix la plus
deſirée, & plus durable en apparēce, qu'on eut
veu il auoit long temps en la Chreſtientē & ce
lors que Henry ayant vaincu, & ſouffert auſſi
la main vainquerelle des Eſpaignols, au milieu
de ſes plaiſirs, & en la pline, & accomplie lyelle
de ſon peuple, ne voyāt plus la face de Mars luy
pouuoir monſtrer rien de ſon renfroignement,
fuſt ſurpris d'un heur pour luy en mourāt, rem-
ply de victoires, & louanges, mais d'un extre-
me malheur & deſaſtre pour ſes ſuiets, lors que
la lance mal tournée pour la France fut eſbrāſ-
lée contre le bon roy, par celuy qui depuis c'eſt
autant declarē ennemy des enfans à ſon eſcient

Bi

comme lors sans y penser il fut felon & ingrat
à l'endroit du pere, qui mourant assoupit aussi la
felicité de ce royaume. C'est ce qui nous a fait
apprendre l'expérience de ce que chante le Poëte
Angevin escriuant au mesme roy, lors qu'il feist
refues avec l'Espagnol, l'an 1555. vsant de ses
parolles que celuy est doublement vainqueur
qui peut, en surmôtant son ennemy estre maî-
tre de ses propres affections, & qui durant le
cours de son bon' heur ne se desuoie aucune-
ment du chemin de la vertu, d'autant dit il, que:

*Facheuse de nature est toute aduersité
Mais trop plus dangereuse est la felicité.*

Car bien que les guerres nous fussent difficil-
es à supporter contre l'ennemy, lequel par si
long temps nous auoit donné de grans affaires
si est-ce qu'apastez de l'heur gratieux de celle
paix qui nous promettoit vn repos assuré, loing
de noz angoisses, ceste felicité nous fust de tant
plus miserable comme de peu de durée, & co-
me sa suite a esté calamiteuse, presque à tout ce
qui iadis a porté le nom de Gaule. Veu que ce
Roy étant decedé, il sembla que le vase de Pan-
dore s'ouurist pour lors, & sonnast les malheurs
qui depuis ont pris pied & accroissement par la
France, soit que les rebelles deslors eussent des-
lé leur venin parmy ce Royaume, & es bonnes
villes, & maisons de la noblesse trop aisée à se
laisser piper sous l'apast miellé des parolles fla-

reues des imposteurs: ou bien que depuis aucuns mal contens, ayant basti ce fondemēt ruineux, lequel se cuidoit establir par la deffaite d'un edifice quoy qu'ancien biē planté, dressé, cimenté, & fortifié de toute chose necessaire pour sa durée, & assurance Quant à moy ie pēse la premiere opinion plus seure & vrai senblable, que les apasts de la sedition estoient dressés, & les cōspirations complotées des le temps de Henry veu ce qui s'en suidit bien tost apres & la hardie parolle de ceux qui oserent dire deuant le Roy François second à Fontaine bleau qu'il y auoit cinquante mille hōmes qui estoient prests à signer de leur sain vne certaine requeste presentée à la maiesté pour leur saincteté & religion pretendue reformée par vn Seigneur du royaume de France chef & authœur de telle coniuuration & monopole, qui en auoit eu les rōolles par les ministres, & les agētz, lesquels pour ce faict couroient tout ce royaume. Aussi ce qui se passa à Amboise, les couises de certain Gentil-hōme Pergourdin, soit en Suisse ou il residoit ordinairement, ou en Bretagne d'ou les predecesseurs auoient pris leur origine firent assez de foy, & donnerent preneue suffisante de ce que maintenant ie discours. Veū que dū depuis quelque ordre qu'on y ayt secū mettre, quelque deupir duquel les Princes ayent secū vser pour cūider amollir le cœur trop dur des rebelles, quelque chose qu'on leur ait accordé, si est-ce que nō cōtens il ont voulu que par leur

leur ruine noz Princes souuerains ayēt fait apa-
roistre le lustre de leur vertu, & excellence, de-
quoy desormais (estant nostre suiet) ie pretens
discourir. Ie sçay que la raison à conduit (en ce
que l'homme bien versé aux affaires peut dis-
courir des estats) vn certain esperit fort gentil
de nostre temps, né & esleué ē Toscane, a vou-
lu monstrier la difference sur les facilitez &
difficultez des conquestes des royaumes & Mo-
narchies de nostre siecle. La ou il fait difficile,
voire presque impossible le gain des terres &
empire du Turc, à cause de l'autorité de celui
qui y commande & peu de puissance de ceux
qui obeissent, & sont appelez au maniment de
la police: et facilité des inuasiōs de la France sur
les mescontentemens de quelque grand, lequel
pourroit introduire l'estranger au royaume &
bouluerfer an ceste sorte et l'estat de toute la re-
publique de France, Mais du lieu mesme d'ou il
fait le chemin si fraié, ie veux prandre l'impos-
sibilité des affaires: et sans courir aux histoires
anciennes, ny courses Angloises, ie m'arrestera y
sur ce qui c'est passé de nostre temps; tant pour-
ce que le suiet y est tant accommodé, et qu'aussi
ie veux (comme i'ay dict) monstrier ce qui est
admirable en nostre Roy et d'excellent en Mes-
seigneurs les Princes & Seigneurs, lesquels sont
à present les protecteurs du bien public, vrais
& fidelles. Catholiques seruiteurs de Dieu &
bien affectionnez à la conseruation de la cour-
onne. Et auant que passer outre ie ne veux me

laisser vn ennemy derriere qui soit tousiours & doz, et m'affrôter vn Anglois du tēps de Charles sixiesme lequel secouru du Bourguignon (mal contēt pour certain deportement facheux vsé à l'endroit de sa grādeur) fut inuesty du royaume, & non de roy de Frāce. Car ce qui se passa pour lors, et tout ainsi que sous tiltre de bōne foy les rebelles de nostre temps eussent peu auoir le Roy estant encor enfant en leurs mains voire plus aisée fut la conqueste à l'Anglois ayant affaire à vn Roy malade, et alteré de son sens, manié par la Roynne controucée cōtre son fils, et par le Bourguignō qui tenoit les affaires en main et auoit la surintendence et de l'estat du royaume, & des finances. Que s'il eust eu vn Roy en teste, suiny de ses Princes & noblesse il n'y a seditieux si bragard ny Seigneur mal content si accort & subtil que lō sçache souhaiter qui puisse liurer le païs Frāçois à l'estranger, & faire sans terre le Monarque Gaulois, ayant vn peuple si deuotieux, et affectionné à son seruice. Aussi la France n'est poinct si legere (quoy que noz esprits ayent assez de desir de nouuelleté) que de se plaire a changement des Princes ainsi que les Neapolitains, Geneuois, ou citoyens de Milan : & y a peu, ou du tout point de seigneurs en ce royaume, qui daigne estre appelez pensionnaires d'autres Princes que de leur Roy, veu que ce vaillant Odet de Foix seigneur de l'Aurec ne voulut onc receuoir vn simple present de la main des seigneurs de Venise a-

pres la paix faite, sans congé, & commandement du Roy, duquel seul il se doit attendre recompence. Or fault il que l'esperoir euidet, d'un grand gain, & la faisie des terres soit sans peine à celuy qui veut conquerir, & qu'ensemble il ait affaire avec des gens qui comme dit le Poete.

*Pour de l'or s'enrichir leur pays osent vendre,
Et un puissant seigneur traistrer y font descendre,*

Ainsi que plusieurs meschans, & infidelles en ont vſé durant ces troubles, rendans, sans coups ferir, & non attendans la menace seule d'un assault, les villes & forteresses, que pour les plus honorer & gratifier le roy leur auoit mises en main. Mais iamais la France ne fut (quoy que ce siecle soit gaste sur toute corruptiō) si esloignée de ses desirs, ny ses princes plus vnis en vn souhait de la soustenir, & deffendre qu'on les voit à present, qui fait la cōqueste plus difficile, & de tant plus dangereuse, comme ceux qui introduisent l'estranger, ont peu de moiens de le soudoyer: car celuy qui entre ores en nos terres n'est point né, ny apais à doner, comme estant consumier au pillage, et prest à vendre sa vie pour vn peu d'argent, en lieu de s'achepter l'esperoir d'une victoire et vſurpation de pais, laquelle n'est encore que les idées de ceux qui l'ont imaginée. Au reste ils voyent quel profit y ont eu les Anglois au Haire de Grace, lesquels ayant fait largesse de leurs deniers pour

DISCOURS

l'achapt d'une si belle piece, en furent chassés à leur grand confusion, & non sans ouïr ce reproche par la bouche de ce grād Anne de Montmorency Connestable de France que les François estoient si soigneux du proufit de leur Roy & honneur du pais de leur naissance que vn peu de concorde assoupissoit aisement leurs inimitiez du passé, se ruant sur ceux des estrangers, lesquelz vn peu au parauant ils eussent deffédus iusque au dernier soupir de leur vie. Que s'il y a qui ayent quelque apprehensio imprimée en leur ame de remuer mesnage, & pretendent d'attenter œuvre nouvelle en l'estat. on à veu combien les essais leur ont esté trompeurs & avec quel vilage leur fortune les à deceuz plus que de iuste pris. l'appelle à tesmoins les ombres de ceux qui ont porté les armes cōtre le roy, & sont passées sous la iustice d'un combat pour respondre deuant le iuge souuerain, si d'un despit geiné elles ne creuēt encor en l'autre mode se souuenās de leurs desseins & gemissans pour auoir failly à leur foy, & marris pour auoir esté frustrées de leur attente trop legerement bastie. Et louē ces bienheureux esperitz. lesquelz sans auoir la conscience geinée pour leurs malfaits & entreprises infidelles s'en sont allez iouir du perpos promis à ceux qui espandent leur sang pour la defence du pais, pour la conseruation de la liberté & maintienement des autels sacrez, & religion sainte & immaculée, gardée par noz ancestres.

Et quand la raison du susdit Italien auroit quel-

que lieu touchant le mescontentement, si est-ce que l'experience nous à fait voir qu'apres que certains grans seigneurs se faignans mal contêts & se chatouillās, ou pinsās (omme lon dit) pour se faire rire eurent pris les armes, & introduit les Alemans, contre les Anglois en France, si est ce quil leur à esté impossible de paruenir à ce que plusieurs soupçonnoient de leur pretence, ny à ce qu'eux mesmes se disoient publiquemēt souhaiter. Car autre cas est courir en France, ou la noblesse est si gaillarde, & le peuple si adextre & obeissant: & autre de se ruer sur le Turc qui ne commande que sur les esclaves & auquel si on obeï, l'obeissance ne pent estre que forcée & contraincte, lequel sil perdoit vne bataille en sa terre, seroit en hazad de tomber en mesme danger que feit Darie surmôte iadis par le Roy Alexandre, ou que Baiazet vaincu par le Tyran de Scythie Tamberlan. Mais le François n'en est point ainsi, ayant plusieurs Princes qui luy obeïssent, force noblesse subiette, & vn Roy qui ne depent point de la volonté de l'election des esclaves, ainsi que iadis faisoient les Soudans de Babilone, ny fault que s'asservisse aux fantasies de ses soldats trop surhaucez, comme en aduenoit aux Empereurs Romains, choisis par leur Gendarmerie, ou au Turc suiet (quelque chose qu'on en die) à la fâtaisie de ses Ianissaires. C'est en quoy nous singularisons l'excellence de noz Princes, lesquelz avec leur naïfue douceur & sans vser d'aucune rudesse, se communiquants

à chacun, rians à la noblesse, caressans les petirs ne desdignans point le peuple, sont honorez, & chers cét mille fois plus que ceux qui avec vne iuste armée destafiers veulēt estre plutost craïs que reuererz avec amitié plene de reuerence, estant veritable la sentence qui dit que celuy qui s'efforce de se rendre redoutable, est hay de ceux qui ont fraieur de sa rudesse & tyrannie. Lisez les deportemens des Empereurs Romains & de plusieurs Roys d'estrange nation, & les conferez avec noz Princes, & verrez que peu des nostres sont peris par la coniuuration de leurs suiets & domestiques: Vous auez veu les Roys derniers & encor nostre Roy à presant assaili de seditions, voyàs la reuolte d'vne partie de la noblesse, & les estrangers entrez au royaume. Pil c'est espouuente, si la crainte luy à fait perdre cœur & fil & à esté sans moyen de se preualoir de telle tempeste: Non non, le Lis s'appuyent sur son innocence & sur la loyauté de ses suiets, & vaillance inuincible de sa dextre, vnüe en bõ accord aymé du peuple, soustenu de l'Eglise, & deffendu par la noblesse, & ainsi armé il peut courir partout, heurieux & redoute, faisant trébler ses ennemys, quoy que farouches, & les talonnans en leurs plus grande furie: Et quoy que les rebelles de nostre temps se soient targuez de celle mesme pauesade, avec laquelle plusieurs iadis & de nostre aage se sont agrandis: si est ce que la vertu & vaillance de nostre Prince leur à bouché le pas, & empesche le chemin pour ne courir

li gayement que les anciens imposteurs, & le rafasier de la moisson semée par autres, & auquelz en est due la cueillette. C'est sans doute q̄ celuy qui veut establir de nouveau vn estat & publier nouvelle loy & dresser vn exercice de religion non accoustumée, il faut qu'outre la persuasion il aye la force pour contraindre ceux qui luy résistent i'entens, es choses & dominations extraordinaires, afin que la saincteté de ce qui est des escrits diuins, ne semblast estre enclose sous les discours des hommes qui disputent simplement suyuant la raison d'une police. Et ce fut par ce moie que l'abuseur des Arabes, & pere de l'Alcoran, se est preualu iadis de ceux de sa nation, qui l'eussent reietté, comme prescheur sans efficace si les armes au poing il n'eust fait uoye à la peruersité de sa doctrine. De nostre temps presque Saich Ismaël, qui occupa l'Empire des Perses sur la race d'Usuncassan, n'eust sceu plus gement venir à bout de son entreprinse, si mettant en ieu la reformation de sa loy Mahometique il ne se fust fortifié d'hommes, & villes sous ce pretexte, & depuis enuahy le non, & couronne royale. Or quoy qu'en Frâce aucuns ayent troublé, & alteré l'estat du royaume avec le zeile, de ne sçay quelle folle superstition, & pretendu renouuellement de la purité de l'Eglise ancienne, i'est ce que noz Princes ayant le nez long, ont senty l'odeur de ceste subtilité & se sôt aperceuz de la cautelle, y obuiât autant sagement, comme inemēt, les rusez, & pipeurs alloiēt en besogne,

courants leur ambitieux deſſin de ſe ſaiſir de la couronne avec vn voile auſi deteſtable, à ſcavoir voulans avec l'heréſié offuſquer la vérité, & raur le royaume au roy ſouz vn beau tiltre de reformation. Et ne faut tant crier le ventre contre aucuns editz, veu que par ce moyen le Roy s'eſt aſſuré de ceux en qui il ſe pouuoit & deuoit fier, cōme ſi avec vn choix equitable, & comme ſi avec le feu il eſpuroit quelque l'ingot d'or, pour en oſter ce qui y eſtoit de groſſier, & ſuperflu: & quil ſoit ainſi l'eſſect nous en fait maîtres, car quoy que to⁹ châtaiſſent les forces de l'ennemi eſtre inuiſibles que pour vn fidelle & catholique que le roy auoit les aduerſaires en auoient les centaines, ſi eſt ce que iamais leur nombre ne peut eſtre ſi grād que ſi la courtoisie & douceur naturelle de noſtre roy ne les euſt ſupportez, afin de les attirer à ſe recognoiſtre, ceſtoit ſans doute qu'ils n'eueſſent pas duré ſi longuemēt. Mais ceſte bonté royale pour eſclerci tant plus ſon excellēce imitāt (en ce que l'hōme le peut faire) la douceur paternelle de noſtre dieu, attendoit la reſipiſcence de ceux qui ne ſont nez que, pour troubler tout le monde. Vn autre point, ſembloit faciliter les entrepriſes des cōſpirateurs, & leur mettre en main la proie attēdue, preſque ſans peiner à la poursuite c'eſt l'enfance, & bas aage de noz Princes, & le peu de compte qu'ils faiſoient des conſeils, & conduite de celle excellente Royne ſous la quelle eſtoient & les enfans royaux & les affaires de royaume.

voyons

Voyons icy l'eclaircissement de celle grãde vertu
née, & nourrie en l'esprit de noz Princes des-
quelz ayans l'ame inspirée diuinemēt, n'ont peu
receuoir aucune sinistre impression, ny goust
autre viande que celle que la sainte Eglise Ro-
maine depart depuis le temps des Apostres à
tout le troupeau fidelle & catholique, quelque
essay qu'on y ait donné, & quelques chasseurs
qu'on ait mis apres chose si rare & precieuse que
les enfans de France, sortis d'Estoc tel, qui de
tout temps s'est monstré l'ennemy capital de
tout felon, & schismatique. Je vous prie faites
comparaison de ceste enfance, & adolescence a-
uec les plus sages en leur grande vieillesse, ou
sur la fleur du mesme de l'age ou la constance
se doit le plus faire congnoistre en l'homme &
verrez noz Princes plus fermes & constans, &
plus forts en la religiō catholique que ce grand
Monarque Constantin sur ses ans vieux, lequel
on soupçonne estre tombé en l'Arrianisme, &
auoir receu le Baptisme par les Heretiques; la
ou ces enfans sollicitiez souuent, & par plusi-
eurs, ont tousiours clos l'oreille à ces charmeurs
& ot passé les escueilz des Seraines, sans en sor-
te aucune estre attirez par la douceur trompeuse
& deceuante de leurs chants. Voions comme
ces enfans font cognoistre leur excellence en ce-
cy plus que ceux qui armez d'un scauoir trop
sourcilieux, se sont laissez vaincre trop legere-
à l'opinion mal goustée, & digerée des chefs de
l'Apostasie. S'il falloit aller chercher les histoires,

des anciens, nous trouuerons vn Tertullien criant contre Montan, à la fin vaincu d'orgueil, ou de despit tomber follement en l'erreur des Montanistes: s'offriroit vn origene, lequel à esté l'ornement, & gloire en sa ieunesse, de toutel'Eglise d'Orient, toutesfois s'engerant plus que de raison se voit follement deschu, & de sa purité, & de sa louange: i'en laisse vne infinité d'autres moindres avec toute leur sagesse & discretion, que noz enfans royaux, encor sentans le lait presque de leur nourrice, avec lequel ils semblent auoir succé l'integrité, & iustice de la foy & religion chrestienne. Bi n diray vn mot en passant que ceste cōstance tant admirable de nos princes d'eust faire rougir plusieurs de ce royaume, qui ayans desia la baibe blāche & la testé croullante de viellesse, ont quitté la cheualerie de Iesus Christ pour estre les estafiers des ministres du caluinisme: & faire mourir de hōte tāt d'Enesques, Abbez, Chanoines & autres du clergé, qui laissans leur espouse legitime, s'ont couruz apres la paillarde laquelle à enyure les pourceautz qui se veautrent es ordures de la chair. Et m'estōne que tāt de gens de iustice, qui ne doiuent ressentir que les cōceptions du Roy (duquel fils estoient tels que de raison) ils deussent estre l'ame, comme il est leur chef, ayent si legerement desuoyé de l'esperit royal pour s'acheurter & en l'abusion del'heresie, & es conseils de ceux qui conspirent contre l'estat de son royaume. N'estoit ce pas signe de ceque nous cō

ménçons à gouster sur l'excelléce de noz enfans royaux, q̄ de mespriser les presches seditieuses & abusiuës des faux Apostres, de se plaïre aux sermons des catholiques, de se vanter de suïure vn iour le bõ roy Iuif Iosias sur l'extirpatio des heresies, ainsi qu'on sçeut q̄ le roy Charles protesta estât encor biéloing du tēps de sa maiorité Combié de fois se sont vâtez les schismatiques d'auoir gaigné le cœur & esperit de ce vaillât & sage prince hēry nostre roy & l'ont estimé pour vn pillier de leur apostasie, quoy q̄ le bon prince ne pélast à riē moins qu'à suiure vne telle fa- çō superstitieuse de vie. Mais ils voiēt & sentēt biē à present q̄ les enfans de Frāce ne sont point des regetōs supfluz de quelque arbre fruietier, qui soient escartez afin qu'ils ne corrompent la naiueté de sa mere souche: ains sont des vrais & legitimes rameaux de l'Eglise, lesquels se presentēt à tout hazard pour la deffence de celle qui à doné le tiltre de treschresties à noz catho- liques rois de Frāce. On sçait que Loys ix. que nous estimōs estre enrollé au nombre des bien- heureux, alla contre les Albigeois estant encor fort ieune, & qu'il en raporta grād gloire, ayant affaire auec les peres de nos euāgelistes. Mais ie vous prie cōsiderer quel à esté le comēcemēt de la cheualerie de nostre roy & des hauts faits d'ar- mes de l'excellēt prince sō frere le Duc chef ge- neral de sō roiaume: & verrez qu'il est admira- ble, & qu'en leur tēdre adolescēce ils ont autant fait q̄ les pl^r grās capitaines en leur aage pl^rmeur

& sur l'ardeur de leur force la plus grande. Regardez avec quel cœur il ont reietté tout cōseil de paix avec les iniques pour venger la cause de Dieu. et deffendre son espouse foulée souz le faiz pesant dela main furieuse des heretiques : Contemplez avec quelle sagesse ils ont rusé le plus subtil des chefs aduersaires, et luy ont rauy le coing de Bourgoigne, ou il se pensoit cantōner pour se preualoir des forces d'Alemaigne. Avec quelle dexterité ils luy ont rauy l'effait de ses desseins lors que Coqueuille taschoit de s'insinuer souz vn voile coureur de quelque place d'importance en Picardie, afin de brider les Catholiques de toutes pars: et comme ilz forcerēt les chefs de, desauouer ceux qu'il est certain qu'ils auoient mis en besoigne. Je laisse les exploits des premiers troubles à cause de l'enfance en laquelle estoient pour lors noz princes regis & soustenuz par les dextres valeureuses de tant de Princes & seigneurs, lesquels sont morts en leur faisant seruice, telz que ont esté vn Roy de Nauare non assez loué pour les bonnes partiées qui estoient en luy, ce grand Duc de Guize vray lustre des guerriers, & exemplaire de Cheualerie pour ceux qui viendront apres luy, et vn des plus loyaux, & fidelles seruiteurs que le roy ayt eu ē ces guerres, n'y ses predecesseurs es affaires qu'ils ont eu contre les éstrangers. Et ce saige & vaillant Duc de Montmorency Conestable de France que nous pouuons mettre au rac de ceux qui pour leur prudence, & conduite ont au-

tant bien gardé le royaume que iamais vn Auguste, ou Traian, ont deffendu l'honneur & reputation de l'Empire Romain. Je plains les seigneurs & chefz occis, et morts durant ceste calamité ou decedez parmy le fard de la paix qui fuiuist ceste premiere guerre sanglante lesquels feroient à présent grand besoing à la France, & pourroient seruir aux desseins de noz Princes & à l'execution de la sagesse de leurs conseils. Je laisse dire les premiers troubles, à cause qu'il sembleroit que la gloire ne dependit point de l'excellence pretendue en l'heur des enfans royaux, toutes fois diray- ie que leur felicité s'esclairoit es descouuertes des menées des rebelles: tesmoing la mine de Lyon & les complots de Valeri, & les ligues qui se dressoient en Bourgogne. Leur grandeur se monstroient en ce que sur le point qu'on eust estimé que la France eust deu mendier secours des estrangers, nostre Roy auoit dequoy en faire largesse aux autres Princes, & au bien public de toute la Chrestienté: de cecy me soit tesmoing le voyage du ieune Duc de Guize en Hongrie avec vne bonne troupe de noblesse Françoisse pour le secours de l'Empereur contre les forces effroyables de ce grand Sultan Solymann le plus excellent & heureux prince qui onc regna sur la nation Turquesque. En quoy ce ieune prince Lorain commença faire luire & paroistre que l'ame de son feu pere agissoit de son esperit, & que ne forlignât point de la vertu des maieurs il taschoit en ceste en-

DISCOURS

fance de fuiure la trace des illustres princes desquels ils est descen du , & lesquels par leur vertu, & vaillance, ont iadis commandé sur la Palestine et fait trembler les peuples infideles de Leuant: De la largesse de nostre Roy à secourir la Chrestiente : fera vray et suffisant tesmoing ce voyage de Malthe , fait par ce genereux seigneur Timoleon de Cosse Comte de Brissac, pour avec la croix de nostre Seigneur & armes des François s'opposer à la furieuse hardiesse des Turcs, immité par les seigneurs Strozzi, les quelz suyuant les traces de leurs peres et oncles, ont donné telles enseignes de prudhómie qu'on peut bien les enuier, mais de les vaincre en excellâce, et gaillardise ie ne sçay si aucun y peut dóner quelque attainte, côme aussi ceux cy ont esté suiuis par les seigneurs de Bellegarde, vicóte de Paulmy Baró de Mótestfcon & Capitainé la riuiera vray Fráçoys & tres religieux catholiques. Et pleust à Dieu q̄ tout ainsi que les vns sont encore en deuoir pour le seruice du Roy, que les autres ne nous eussét point esté ravis en vn tēps si necessaire, et lors que le plus il cômēgoiét à faire tantir aux sedicieux q̄ vault l'effect de vaillâce avec l'opinió conceüe de la gaillardise d'un braue Capitaine. Aduisez si noz Princes se soucioiét beaucoup des menées des sedicieux souffrans que la ieunesse allast ainsi se hazarder es pais lointains: & si la Frâce est desnée de Catholiques pour rébarer la furie des entrepreneurs: Non nó, il faut confesser que les Frá-

coys peuuēt bien estre esbranllez par la secouffe de quelque fortune qui leur soit aduerfaire mais de dehors, & aller du tout à bas, il est du tout impossible: veu que no^r auōs veu les choses & affaires de ce royaume ē tel poīt, que iamais souz Charles sixiesme on ne les veit plus deplo-
rées, entāt que l'ēnemy nous suprenāt à l'ipro-
uiste s'estoit presque fait maistre de tout le roy-
aume, & qui plus est cuida voir la fin & du Roy
& de son sang, lequel à la fin il assiegea en sa cité
capitale, & en telle detresse que chascun sçait (ny
ayant guere hōme en France, qui ignore) quelz
furent les desastres aduenuz durant ces troubles
chassez par vn cōbat, tout ainsi que le soleil fait
vuidier à sō leuer quelque espais brouillatz sor-
ty des vapeurs grossieres de la terre. De sorte q
ceux qui brauoient au parauant quiterēt ce qu'
ils tenoient pres de Paris, partie craignāts d'es-
tre surpris, & partie pour l'aller ioindre à leurs
forces mendiée en Alemaigne, se sentants trop
foibles pour soutenir l'effort de la gaillardise
de nostre noblesse. Tous les abouchemens ne
seruirent de rien au cauteleux rebelle qui souz
c'est apast tramoit le temps pour le faire aller
en delay, attendant son secours: Car Henry
nostre Roy mettant son armée en Campaigne,
fait courir plus viste que le pas l'armée de l'en-
nemy. Et le cōtraignit de quitter le païs de Brie
pillé, & sortir de Montereau qn'il auoit sur-
pris cauteusement, & souz riltre de bonne
foy, luy fait leuer le siege de deuant Sens vil-

le fidelle & autant enuieée par l'ennemy que ville qui soit en France eu esgard à la constâce d'icelle en la foy de l'eglise, & fidelité enuers son Prince: & que ausi les citoiens d'icelle auoient chastié à bon escient l'insolence, & obstination de plusieurs rebelles qui se tenoient en leur ville. Ce voyage, quoy que assez gaillardement, & entrepris, & mis à fin, estant son essay, seruist d'apprentissage pour l'exploit de son excelléce, adresse & dexterité, soit au maniemment des armes, ou au cōseil & deliberatiōs des affaires d'importance. Aussi quand Auguste Cesar, venant tout freschement de Grece fut fait chef contre Marc Anthoine en la guerre de Modere ses exploits n'estans guerre de grand importance seruirent toutesfois d'esguillon à ce ieune Prince pour l'esperonner à l'entreprise de choses plus grandes; ainsi que depuis il feit se rendant le plus grand & heureux Monarque de l'vniuers. Henry de France maintenant nostre Roy à ce sien commencement se façonna, aprist à souffrir à cognoistre la necessité du Soldat, à fin de s'accoustumer à toute courtoisie & liberalité, veit ou est ce quil faut commander ou vser de priere à l'endroit de son suiet, & quand il n'eust fait autre chose, il feit cognoistre à l'ennemy que les enfens de Frâce ne sont point cazaniers, ou faineants pour viure daus des chambres, fatiffans & mignotans comme vn Heliogabale, ou cōme le Roy effeminé des Asyriens: ains sont maulles, pleins de force, & se ressentans viuement.

& de la gaillardise de leurs ancestres, & tort receu de ceux qui leur veullēt tollir leur grandeur & autorite: ont fait paroistre que le sang ne mé- tant en eux ils ont & le cœur & le moien de se venger des outrages faicts au peuple & noblesse de Frâce, & que la ou ils serōt ne faudra souhaiter que les morts reuiennēt iouir de ceste lumiere pour soustenir leur querelle, s'estimās assez fortz, & capables de se preualoir de leurs enemys, ainsi suiuis qu'ils sont de bonne troupe de noblesse, & ayant le peuple tant affectionné & les soldats qui ne desirēt sinō que on les mette en besongne. Aussi les deffunts sōt à souhaiter, la ou les viuans s'auilissant, & descheent de la gaillardise de leurs ancestres, mais rien de tel n'aparoissant en noz princes, on ne doit attendre d'eux que tout suport & allegēce. Qu'il soit ainsi apres que les aduersaires veirent qu'il ne faisoit pas bon en Bourgoigne, ny en Picardie & que leurs dessins ne pouuoient estre esclōs en Bretagne, ny en Normandie, & qu'il ne trouuoient moyens de se fortifier dū costé de Pro- uence, ou Daupiné, ayans des ministres trop loy- aux en Guienne, s'y rerirerent autant diligem- ment comme desloyaument les autres y receu- rent les enemys capitaux du Roy, & du royau- me, C'est icy qu'aparoit le lustre de la valeur & excellence de noz fleurons de France, car le roy commandāt, la noblesse s'assembler marche vers le pais euahit par les aduersaires, affin d'empes- cher que les forces mutines de toutes pars ne

peussent se ioindre ensemble . C'est heur court
 & va visiter le pais Bretó, ou ce gaillard & har-
 dy guerrier chef preuoyant , et accort le Com-
 te de Martigues attaquá le seigneur d'Andelor,
 & luy donna de si viues attaintes, qu'il luy feit
 aprendre que le sang de Luxcembourg, n'auoit
 rien perdu de la generosité de ses ancestres , &
 que encor luysoit en luy telle splendeur & ver-
 tu , laquelle à iadis fait monter ses maieurs au
 feste de gloire , & à la dignité souueraine de
 l'Empire Romain . La diligéce du prince Fran-
 çois peut elle estre assez louée ny recômandée?
 laquelle empescha à l'ennemy le cours de ses
 victoires, & luy osta les môiens de se faire mai-
 stre, & de la câpaigne, & des villes de Poictiers
 & Lymoges & au parauant de Saumur , et au-
 tres assises sur la riuere de Loire . Et puis cau-
 sant celle memorable deffaiçte ou ce Capitaine
 effroiable Mouuât paya l'vsure de ses forfaits,
 & fut sacrifié aux ombies du bon seigneur de
 Charry que traistreuusement, il auoit occis en la
 cité roiale de Paris durant la paix faite apres les
 premiers troubles de ce royaume? Louez à vo-
 stre aise Romains voz Consulz , et Empereurs,
 & vous Grecz mêteurs voz chefz de guerre des
 hommes nudz , et sans grand experience de la
 guerre, mais noz piñces s'attaquant à des hom-
 mes qui ont du sang aux ongles & vainquent
 ceux qui s'estiment et se font des plus vaillans
 de l'Europe , & ce parmy la tēpeste des foudres
 des canons , et durant le bruit effroiable d'une

à rue gresse d'escopeterie. Iules Cesar n'a eui
 mais plus grād gloire q̄ de vaincre les Gaulois,
 non pas avec ses legiōs Romaines, qui luy eus-
 sent peu prouffitē, si la Gaule mesme ne luy eust
 fourny de quoy parfaire ses victoires tant en son
 cœur mesme, que depuis en punissant l'ingrati-
 tude de ceux qui le fraudoiēt de son hōneur, &
 n'auoiēt égard que c'estoit ce peuple, qu'il auoit
 mis souz l'obeissance de l'Empire. Et nostre roy,
 & son frere seroiēt ilz amoindris en grandeur,
 louange ou renōmée que ce Romain, qu'à luy
 mesme châtre de ses cōquestes, puis qu'avec les
 Gaulois, ils ont surmonté la troupe la plus gail-
 larde des Gaulois, qu'on sçauoit à grand peine
 trouuer des soldats au reste de l'vnivers, qui
 puissent mieux faire le deuoir à se déffendre q̄
 ceux que Mouuant conduisoit tenans teste aux
 escadrons furieux conduits par le Prince de
 France? Voulez vous plus grande preuue de sa
 gaillardise que de voir presque son armée voler
 & courir en diuers lieux talonnāt tousiours l'en-
 nemy, et luy fermāt les passages, empeschant ses
 desseins, et le cantonnāt en despit de sa gorge en
 ce païs malheureux qui auoit de long tēps sou-
 haite la venuē de ceux que depuis il eust voulu
 aussi loing cōme il sentoit pres son mal-heur, le
 degast de ses richesses, et perte de sa liberré. En
 pareil defastre tōberent iadis les Silciilés, que ne
 pouuans suporter vne ie ne sçay qu'elle gaillar-
 disē naturelle des Frāçois. apellerēt le fin & caut
 Aragonois, leq̄l leur aprist, à obeir & leur mon-

DISCOURS

stra le chemin de seruitude la ou l'obeissance
 passée n'estoit que liberte, & aise de ces felons.
 Insulaires, Aprenez Prouince, de France par le
 peril: d'autrui à vous contenir en office à l'en-
 droit de vostre roy, & vous souuienne qu'il ny
 à païs, cité, ville, chasteau ny village ou ces pil-
 lieurs & rebelles ayent mis le pied pour y com-
 mander, qui ne se sente pour vn long temps de
 leur presence, & ne porte les marques sanglan-
 tes de leur tyrânique douceur. Et semble que
 tout ainsi que les terres que le Turc assuiettist
 sentent la malediction celeste pour vn tel ren-
 contre, que noz aduersaires cōquirent soit sou-
 mis à la disgrâce du Ciel, & soit execrable, veu
 que la peste les suit par tout ou ils s'acheminent
 & la terre vest vne face si confuse qu'on diroit
 que les foudres, gresles, orages, vents, chenilles
 sauterelles, & toute autre iniure, & de l'air &
 du temps, y ayant couru à outrance pour le de-
 gast, & ruine des lieux desquels ils ont pris la
 possession vous m'en serez tesmoins, ô villes de
 Lyon, Orleâs, Rouan, Bourges, Poictiers, An-
 goulesme, La Rochelle, Montauban, Castres,
 Auxerre, Soissons & autres infinies, qui auez
 gousté les douceurs de la parolle, & traitement
 des Caluinistes, quel aise vous à suiuyées pour
 auoir receu en voz encloz & murailles ceste
 peste, & abomination. Vous estiez iadis belles
 & florissantes, riches, & honorées, pleines de
 maiesté pour la superbe & magnificence de voz
 saints temples, la ou à present c'est grand pitié

que d'en voir la ruine, & de escouter voz complaints lors qu'il vous souuiét de ce qu'estoiet ces bastimés aupres de la misere de vous representer leur deffaite: Ainsi gémissoient iadis les Iuifz retournans en Ierusalem la voyàs desmâtée ses palais ruez iuz, & la gloire du temple effacée: & quoy qu'ils le redifiassent, si est ce que le creue cœur qui les tenoit saisis ne pouuoit se departir d'eux pour le souuenir imprime en leur ame de la premiere magnificence, & richesse de la maison be Dieu. Le Prince roial faisant donc conniller son ennemy, & le forçant de seueiller plus souuent que toutes heures de la nuit luy feit encor cōgnoistre que le vin & les aises, ne le tenoiet point assoupy dans vne chambre, ains qu'aussi bien que luy il veilloit pour le surprendre, & luy monstrier vn tour de sa maltrisse. La lyesse commune de toutes les villes du royaume les veuz d'allegresse du peuple François, l'esjouissance des estrangers pour nostre bonne fortune, me seront tesmoins de la vertu de nostre roy, lors que prez de Coignac, sur le point que lennemy subtil le pensoit surprendre, il decēut les ruses de l'affineur, & luy aprit la leçō avec vne verge qui luy seruist d'vn fort estrange chastiment. A ce vaillant Heroz pouuons nous adresser ce que l'Homere François dit en quelque passage,

*Et vous princes du sang de qui la noble race
Des le premier berceau vous inspire vne audace
De mespriser la mort, ce n'est pas vous qu'il faut*

D I S C O V R S.

*Animier comme vn peuple, a qui le coeur defails
Voyant flamber le fer, vostre naif courage:
Mieux que moy vous enseigne au martial ouurage.*

Car sachant que l'ennemy passoit la riuiera de Charante pour se retirer en Angoulesme (par luy surprise) de belle nuit, sans que iamais l'aduersaire eust soubçonné vne si grande diligence deuoir sortir du conseil d'vn chef encor si ieunet il le deuança & contraingnist ou de tourner teste, & fuir comme il feit, ou de combattre: ain si que feirent les plus gentils compaignons de sa secte, ou mourut ce hardy Prince, Loys de Bourbon: lequel plust a Dieu qu'eust fait, & donné telle preuue, & suffisant tesmoignage de sa gaillardise: & generosité ailleurs: qu'en lieu ou il perdit la vie avec le seul loz de bon soldat, mais pourtât la tache de s'estre messé peut estre sans mal penser parmy la troupe de ceux qui l'aimoient seulemēt pour se targuer de ce nom honorable de Prince du sang, & s'en seruir pour l'exploit de leurs entreprises. Je suis marry que les rebelles eussent vn si digne chef, & que luy trompé par leurs subtilitez se fut oublié contre les siens, & eust mesprisé les conseils de ceux qui luy estoient plus proches: car quād à moy ie reuerer les Princes, & admire avec honneur la maiesté des rois, de laquelle ronsart dit fort bien à propos:

*Qui fait honneur aux Roys, il fait honneur à Dieu,
Les Princes & les Roys tiennent le plus grand lieu
Après la Deite.*

Et suis marry sur toute autre oyant le defastre d'un de ceux, qui touche à ceste sainte & illustre souche du sang de France. Car c'est chose certaine q̃ ceux, qui s'arment cōtre le Roy ne peuvent porter amitié quelconque à Prince aucun qui soit de la souche royale: veu que l'un estant le principal, & l'autre l'accessoire, & se raportās à mesme suiet: quiconque poursuit la ruyne de l'un il ne fera conscience, & plus legerement de moyenner la deffaire du second, comme de chose moindre: aussi ce seroit folie à un nouveau conquereur de se laisser un competeur en barbe en la chose mesme pour le gain de laquelle il aura essargi sa consciēce. Mais tout eccy n'a esté qu'un avant ieu, eu esgard à l'heur & felicité qui à depuis acōsuiuy nostre grād & inuinisible Henry, comme ainsi soit que le Roy Charles ayant licentié son armée les Protestans se veissent en beau chemin pour se faire maistres des places qui restoiēt en leur païs de conqueste (comme ils le nōmoient) cōmencerēt à rauager le Poictou dū sans beaucoup de resistance, les forces du Roy estant retirées, se saisirent de quelques places non routesfoys beaucoup importantes si ce n'estoit pour se faciliter le pas à la prise de Poitiers ville capitalle du païs. Leur dessein sortit son effect tout autre qu'ilz ne s'attendoient, nō obstant les intelligences qu'ilz peussent auoir en la ville, la vaillātise des Sieurs Ducz de Guise & de Mavenne la vigilance du sieur Conte de Lude & de Ruffet & autres seigneurs de mar-

DISCOURS

que leur fait assaouyr que si aysément d'une pierre comme l'on dict on ne faisoit pas deux tels coups, Car les protestans pretendoient dy establir vne bonne & seure retraicte, & du sac de la ville tirer la paye de leurs reistres. Sans doute les affaires des assieges sembloient bien esbranlées si nostre Henry faignant battre Chateleault ne leur eust fait tourner teste & lascher prise, ce qui estonna merueilleusement le Protestant qui n'eust iamays pensé que ce prince se fut iecté si tost aux champs & avec vne telle allegresse, n'ayant eu loysir aucun de se rafraeschir des fatigues de la guerre & de ses longues veilles. Il sentit encor plus le grand cœur de ce héros ou iamais la peur ne logea, quand à Montcontour il feit perdre la vie aux plus resoluz de leur troupe avec tel carnage des estrangers que iamais ils ne viendront en France sans vn triste souuenir de Montcontour ou on leur fit vne belle leçon que cest autre chose de cōbatre que de piller. Si ceux à qui on chaussa les esperons de bien prez eussent prefere vne mort honorable & tenir rang parmy ceux qui sont morts au liēt d'honneur à vne honteuse fuyte, ils ne se fussent pas veuz de puis par vn diuin chastiment massacrer d'ans Paris & ailleurs. Encor n'estoit-ce pas borner la gloire du tref-victorieux Henry qui ayant reserré les Rochelois les battit avec vne telle furie que se trouuans au dernier point de leur estat n'eurent autre recours qu'à la douceur & courtoisie de ce prince, l'aydās des Seigneurs

gneurs deputez par les estatz de Poloigne pour
honorér nostre treshureux Héry de la courône
de leur royaume ayât esté esleu & choisy entre
tous, d'un commun accord & consentement
de tous les estatz, comme la perle vnique des
Princes de son aage. Plusieurs & iceux grands
chefs d'armes s'estoient mis en denoier de met-
tre à bas les forces Huguenottes, mais tout ain-
si que iadis c'estoit aux Scipione comme chose
propre de vaincre en Aphrique, aussi c'est aux
ensans de France de surmonter les Heretiques
Symon de Monfort à iadis esté vn fort excel-
lent Capitaine (ie le cōfesse) il a dōné de grāds
affaires aux Albigeois (aucun ne le peut nier)
toutesfois si Loys fils de Philippe ne fust venu
en Prouence, le conte n'eust assuietty si aisemēt
les rebelles: & encor n'y feist il si grand exploit
que luy mort à Toulouse, au siege, ne laissast les
choses en suspens, que le bon Roy Saint Loys
meit a fin rāfant la memoire Albigeoise de tout
le pais de Languedoc, Prouence, & Gascongne
On scait quels, & combien grans ont esté les
chefs commis pour la poursuite de ceste guerre
comme ils s'estoient fait congnoistre parmy les
nations estranges, avec l'heur du roy, auquel ils
faisoient seruice mais en la cause de Dieu, au
milieu du royaume, pour la deffence du roy &
liberte du peuple ils ont perdu leur latin: car il
faillloit qu'un enfant de France vengeast ceste
outrage, & soustenant la querelle de l'Eglise, &
la couronne du roy, aprist aux rebelles vne dāce

D I S C O V R S

route differente aux façons de faire des années precedentes. Aussi à lon veu vne nouvelle façon de proceder & vne plus grande gaillardise tant d'une part que d'autre les vns se faschâs qu'une poignée d'hommes leur tinssent teste si loquemēt & les autres se voyâs ainsi pressez, iouâs à quitte ou double, se mesler aux cōbats, & faire tout deuoir ou de vaincre, ou de vēdre leur sang, aux despens de ceux qui en feroient l'effusion. C'est pourquoy Dieu n'a point voulu que les bōs seigneurs et Princes treshardis les ducs d'Aumale, et de Nemours s'attaquassent à l'Aleman qui estoit entre en la France pour le secours du rebelle: afin que le seul Roy, aye l'honneur d'accabler et ensemble, le mutin et ceux qui esmeuz du seul desir, de gain et conuoitise du pillage: François sont entrez en noz terres, en la faueur des ennemis du Roy: et qu'ilz n'ayent plus la hardiesse de si asseurement passer le Rhin pour y venir piller noz richesses comme si nous luy deuions vn tribut, ou pension par chacune année. Aussi c'est à Henry nostre Roy à les chastier et leur oster les aises de courir plus par la France; c'est à luy à ne les laisser plus rompre les limites, bornants la France & Allemagne, & donner par ce moyen occasion, à chacun qui voudra de reuager impunement ses terres. Ce n'est pas ores comme du tēps que les Normēds s'emparerent du païs de Neustrie à cause de la grande debilitation, & estrange accablement de la noblesse de France: veu qu'à present ce royau-

me est plus fort d'hommes que iamais , & de telz hommes qui sçauent en quelle maniere les Allemans sont aisez à vaincre , & mesprisent leur puissance. Veu que Dieu est si iuste qu'encor qu'il souffre pour vn temps que le rebelle, aye vent en poupe, & s'esgare en sa felicité courant contre son souuerain, si est-ce qu'à la fin, il enuelope sous mesme condamnation, & celuy qui se reuolte & ceux qui le supportent en sa rebellion. Car il faut necessairement qu'un Prince establiissant son estat , y pose le plan & fondement qui soit bon et apuyé sur l'equité & iustice , car autrement le tout s'en iroit, ainsi qu'en aduint, & à Agatocle Tyran de Sarragosse, et à Denis Roy cruel de Sicile , les successeurs desquels n'ont regné guere longuement sur le pais conquis par les premiers vsurpateurs. Et d'autant qu'il vient assez commodement à propos, ie suis content , comme en passant de discourir vn peu sur la fin, & issue mal-heureuse de ceux qui par meschant art , & trahison ont enuahy les terres d'antruy , ou qui se reuoltans traitement ont dresse la main contre le Ciel , & se sont armez contre ceux à qui ilz deuoient reuerence comme à leurs Roys & Princes souuerains. Veu que ce suiet sert aussi à gloire de noz Princes, et à la declaratiō de leur vertu et excellence ayant veu desia iusques icy vne partie de l'effet de ce que ie dis ne fut qu'en la punitiō des villes lesquelles follément s'estoient reuoltées, & seruoient sous le nō du Roy ceux qui ne cer-

DISCOURS

choient que la deffaite, & embeguinez d'une coiffure capharde de religiō, ne se soucioient de rien moins, que de la religion, ou reuerence des choses sacres, et celestes. Car a la verité le Prince, ou chef qui tasche d'vsurper le bien d'autrui ne cognoist Dieu, ny le Ciel, sinon entent qu'il s'en peut seruir pour le gain de ce qu'il souhaite afin que sous la simplicité de parolle ou solemnité des sermēts il puisse deceuoir ceux qu'il ne scauroit gagner par autre moiē. Et c'est pour quoy Homere (hōme de son temps le plus sage qu'on scauroit dire, et qui a autāt biē descrit vn Prince soit bō ou mauuais, que iamais fait autre qui s'en soit meslé (voulāt mōstrer en quelle sorte fut instruit le Prince Achille, filz de Pelée, & Thetis, & quel fut son gouuernemēt, met en auant vn Chiron Centance qu'il fainct auoir esté demy hōme, & demy cheual. L'interpretatiō en est assez aisée, & toute propre pour vn tyran, lequel participe, de l'hōme et de la beste: en l'un paignāt la raison, en l'autre la felonie, & infidelité: cōme aussi Cesar se bestialisoit en ses opinions lors qu'vsurpant la sentence du Poëte Grec, disoit: que s'il faillloit violer iamais les loix, & droitures que cela se pouuoit faire pour obtenir quelque principauté ou Empire. Or est il vray que les pauures, & infidelles ne iouirent guere iamais pour vn long temps des frui&z de leur desloyauté infidelle n'aymant Dieu rien de fardé, ny vne ame cauterisée: à ceste cause pour conclure cest opuscule, j'ameneray

quelques histoires faisans à ce propos, & effi-
gians au vif la fin mal-heureuse des traistres &
des rebelles. Puis donc qu'il est ainsi que les
Roys & princes sont ceux que Dieu à mis cōme
ses lieutenās en ce mode, afin de rendre iustice à
chacū et de tenir vn ordre certain es affaires ça
bas, ainsi que l'vniuers est regi par vne seule in-
finie puissance, et ce monde esclairé & nourry
par la beauté d'un Soleil, c'est aussi sans doute
que quiconque s'arme cōtre le Roy, ou resistē à
telle puissance, s'oppose directemēt à la volonté
de Dieu, qui veut, & cōmande qu'on luy obeis-
se: ne plus ne moins que celuy offenceroit la per-
fection de cest vniuers qui tascheroit d'en oster
l'ordre, et accord qui est es parties d'iceluy. A
ceste cause Dieu qui est veritable en ses dits, &
iuste en ses faits, qui ayme la paix, & chérit l'o-
beissance laquelle il requiert plustost que sacri-
fice, n'a guere iamais laissez impunis ceux qui
secouant le ioug de l'hōneste suiectiō qui nous
rend nō asseruis, mais liez à noz Princes, se sont
renoltez, et ont leuē leur main contre les oincts
du Seigneur: et les ministres, & execnteurs de sa
volonté. C'est pourquoy le bō David poursuiuy
de Saul, quoy qu'il le sceut reprouuē & que le
royaume luy eust esté donē par l'electiō q̄ Dieu
en auoit faite, si est ce que iamais ne voulut l'at-
taquer par combat à son Roy ny souffrir qu'on
luy nuisist, quoy que tombē par deux fois entre
ses mains, bien qu'il se tint sur ses gardes, cōme
ayant droit de porter les armes, cause de la pre-

éminence de succession en l'Empire 'à luy pro-
 mis. Si vn Roy esleu, & avec la mesme ordon-
 nâce de Dieu, ne souffre qu'on coure sus, à son
 braue compétiteur, n'y qu'on se saisisse des vil-
 les, pais, & forteresses que son aduersaire detiét
 & attend que Dieu parface en luy sa promesse,
 que doit faire celuy qui est suiet, qui n'a aucun
 droit en vn royaume, & qui n'y peut pretendre
 rien si ce n'est avec vne grande trahison & des-
 loyauté? Les loix anciennes ont condemné à
 mort le seruiteur conspirant cōtre son maistre:
 & nous excuserions le seditieux qui est le bour-
 reau public du repos de tout le môde? Non non
 celuy est à exterminer lequel ne peut trouuer
 raison pour sa deffence, ny exemple pour sa des-
 loyauté: veu que tous ceux que ont attété con-
 tre la personne du magistrat, quoy qu'ilz sem-
 blent auoir quelque raison de se faire pour les
 tyrannies (peut estre) exercées par le Prince,
 n'ont iamais eschapé la main de Dieu vengeres-
 se, qui en fin les a punis de leur meschanceté:
 ainsi que ie vay vous deduire sommairement
 par exemple. Ie sçay qu'un champ large, & spa-
 cieux s'offre en cest endorit, & tout le long du-
 quel si quelcun se vouloit esgayer, il seroit im-
 possible en venir à bout de long temps, tant le
 chemin est long, & les exéples diuersifiez, qui
 fera cause que ie n'en empoigneray que bien peu
 & la plus part des histoires les moins esloignées
 de noz siecles qu'il me sera possible de recueillir
 quoy que ie ne vueille du tout regretter ce que
 les anciens en ont laissé couché par leurs eserits.

La trahison donc & desloyauté estans ennemies de la paix & concorde d'entre les hommes, & le venin par lequel la société humaine est rompue & violée, ne faut s'esbahir si la nature mesme la deteste, comme chose esloignée de sa perfection, si les hommes la poursuivent, & rattachent de la chasser loing de leur assemblées. Aussi n'y eut il iamais nation si farouche qui n'ayent eu en horreur, & detestation, ceste peste de l'aise humain : & bien que pour le prouffit ayt fait visage au traistre, si est ce qu'à la fin on la payé selô son mérite: L'histoire Romaine raconte que sur la naissance de la cité de Rome, lors que les Sabins ménoient guerre contre les Romains, il y eust vne fille laquelle fut corrompue par les promesses de l'ennemy, luy iura de l'introduire dans la forteresse Romaine, de laquelle son pere estoit Capitaine: elle effectuant son dire, & le Sabin fait possesseur du fort, la traistresse demande ce qui auoit esté accordé entre eux, à sçauoir ce qu'ilz portoient en leurs mains senestres, elle esperant auoir les anneaux, & braceletz des Sabins qui estoient d'or, mais eux, la recompensans selon ses vertuz, l'accablent à comp de targues, & boucliers, qui estoit l'ornement de leurs bras gauche, aussi bien que les royaux conuoitez par la fille desloyalle & infidelle, du nom de laquelle le mont ou elle fut occise, s'appelle tousiours du depuis Tarpée. Sans nous esloigner encore des Romains, à cause que sur toutes les nations des Gen-

D I S C O V R S

rilz n'ont esté les plus iustes en leurs actions &
 gouuernemens, et ceux qui au commencement
 de leur puissance detestoient les conqueustes es-
 quelles on s'acheminoit par tromperie, voyons
 le succez de ce grand Capitaine Marc Coriolan
 lequel offensé par le peuple ingrat de sa ville,
 ne peut porter patiemment cest outrage, ains se
 retirât vers les ennemis des Romains, que d'au-
 tres fois il auoit vaincuz, & estant fait leur Ca-
 pitaine, vint courir les terres des siens, et en fin
 assieger sa ville tout ainsi que de nostre temps
 nous auons veu que les François mesmes en ont
 fait à l'endroit de leur Roy, et de la cité chef de
 tout le Royaume. Ce desir de vengeance, l'es-
 guillonant il se faisoit fort de se faire seigneur
 de Rome, & l'eust fait si l'heur des Dames Ro-
 maines n'eut destourne cest orage, vainquant le
 cœur selon de ce Prince, lequel leua le siege sol-
 licité par leurs prieres. Quel fut le salaire de ce
 miserable gentil-homme? tel que le droit le re-
 quiert, car luy ayât fait la guerre à son pays, &
 leué la main contre son Senat, tomba en pareil
 malheur, voyant ses soldats renoltez, et qui à la
 fin le taillerét en pieces. Apprenez, vous qui fai-
 gnez des mescontentens receuz, cômme si c'estoit
 raison assez valable pour y fonder la iustice d'vne
 rebellion, car Coriolan, à regarder la chose
 de pres, estant en vne cité libre, & deffendant le
 droit, estant iniustement chassé, sembloit auoir
 droit en s'armant contre les ingrats, mais ses ci-
 toyens punis de leur faute par l'effroy de ses ar-
 mes,

mes, le veirét chastié de son outrecuidâce, Dieu
 estât iuge eqtable & punissét de ceux qui trou-
 blent l'estat du public. Le bõ Prince Athenien
 Themistocle il & vray qu'il oubliâ fort lors q
 bâny de son pays se retira au Roy des Perses, q
 d'autrefois il auoit vaincu, lequel estant enne-
 my capital des Grecs si est ce que le Persant s'ar-
 mant contre la Grece, & voulant faire Themis-
 tocle general de son armée le miserable Atheni-
 en oubliant la haine des siés & ayant pitié plus
 de son païs, que de soy mesme s'auança la mort
 en humant du poison qu'il portoit expres pour
 telles occuréces. Voyez si encor cestuy n'est pu-
 ny de sa main propre pour s'estre gotté es bras de
 de l'ennemy des siens, d'autât que par sa retraite
 il auoit donné cœur au Roy Barbare d'entreprē
 dre encor sur la grece, priuée d'un si vaillāt chef
 qu'estoit Themistocle. Veu quil ne suffit pas seu-
 lement de ne s'acharner point traistreusement sur
 la gloire, & grandeur de sa republique, mais en-
 cor nē faut donner conseil, ny occasiō à autrui
 de s'y ruer pour causer la vengeance de son ou-
 trage, & iniure particuliere: ainsi qu'ō fait ceux
 qui destituez de forces priuées sōt allez médier
 la faueur & secours des princes d'Allemagne,
 pour s'en preualoir cōtre le roy quoy qu'ils pa-
 lient leur fait sous la couleur de meilleur & pl^o
 saint pretexte. Si Themistocle faillit lourdement
 se retirāt au Persā, & en souffrit la peine pour sa
 faute, ie ne feray cōsciēce de metre en ieu vn au-
 tre Grec & iceluy grād seigneur & illustre d'au-

DISCOVRS

rhorité non moindre que royale. On ſçait que
 les Roys ne ſont point nez dès la premiere in-
 ſtitution des puiffances avec la couronne ſur la
 teſte, ains ſont tous paruenus à ceſte dignité ou
 par election, ou par violence, la ou les violens,
 ont laiſſé vn empire de peu de durée, & à pei-
 ne la ſucceſſion paruenant à leurs enfans, &
 ayans cauſe : mais ou le peuple les eſliſoit quoy
 que cela dependiſt d'une beſte farouche, ſi eſtoit
 la ſeigneurie plus ſtable, & le gouuernement
 appuyé ſur vn plan plus ſolide de iuſtice &
 droicteure, y conſentans ceux à qui la choſe e-
 ſtoit le plus à cuer, & preiudiciable. De ceſte
 derniere maniere de Roys les vns eſtoient ſou-
 uerains, n'ayans autre bride que leur volonté &
 fantaſie, & ainſi facilement il tomboient en vi-
 ce, & ne ſ'eſtrangeoient en ſorte aucune de la fa-
 çon de viure, & commander des tyrâs, & vſur-
 pateurs ſi la raiſon, & le conſeil ne maiſtriſoit
 en eux la conuoitiſe : Et tels ont eſté les Roys
 Affiriens, Medes Affiatiques, & Egiptiens, & le
 peu d'entre ceux qui ont gouuerne la cité de
 Rome, & de noſtre temps preſque tous ceux qui
 ſont ornez d'une puiffance tant excellēte, quoy
 que les loix anciennes ayent plus eſtroicte-
 ment limité leur iuriſdiction. Les autres d'entre les
 eſleuz quoy qu'ils fuſſent ſeruis, & honorez, ſi
 n'auoient ils guere plus d'autorité qu'ont à pre-
 ſent les Ducs de Genes & de Veniſe, ſuiets à vn
 Senat, ou ſeulement iſz ont la premiere voix à
 delibérer tout ainſi que iadis les Royteles de

Gaule, lesquels presidoient es assemblées du pais pour les affaires de toute la nation. Tels furent aussi les Roys de Lacedemone à cause que l'insolence royale s'estant plus esgarée que de raison fut bridée par vne erection de nouveaux estats, effisant le peuple des Ephores magistrats, ayans mesmes autorité à Sparte, que les Tribunts du peuple eurent le temps passé à Rome, pour tenir en ceruelle les Tribuns, & dictateurs s'il vouloient ou taschoient d'oppresser le peuple. Or venant à nostre propos regant Pausanie à Lacedemone qui estoit homme vaillant & conuoiteux de gloire, et desireux de souverain empire, lequel estant Roy de Sparte souz les loix de Licurgue, ayant vexé la Grece par ses deportemens trop superbes fut rapellé de sa charge, & tenu tout ainsi sans honneur que seroit en France vn gouverneur de Prouince, qui se seroit oublié par trop en sa charge. Ce Roy qui malaisement supportoit le gouvernement des Ephores, & se faschoit que le nom royal qui semble estre souverain, fut suiet à des contrerolleurs, & asservy à punition, se delibera de l'oster de telle seruitude, et mesme moyen d'occir les Ephores & cōseillers, résistās à sa fantaisie. Pour executer sa meschanceté et esclaver la liberté de ses citoyens, il n'employe point ses soldats, se desfiās de leur fidelité, et n'estimāt point qu'ils voulyssēt iamaïs pdiger follēmēt le biē qu'ils auoient receu de leurs ancestres: mais cōmuniqua son cōseil aux Barbares escriuant au Roy Persan, avec

DISCOURS

promesse de luy metre l'estat de Sparte, en main pourueu q luy dōna sa fille pour fēme luy fournit hōmes & argēt pour assuietir ses citoiēs & les cōtraindre d'accepter ceste conditiō. Mais quoy tout ainsi que de nostre tēps la pl^e part des mēées & cōspiratiōs des rebelles ont esté descouuertes, & la pl^e part, par ceux en qui ils auoient le pl^e de fiancée aussi ce fol roy Pausanie fut accusé par Argille le pl^e fidelle de ses domestiques lequel il ennoyoit vers le roy de Perse. Car ce messager soubçonnant ce qui estoit, & n'ayant iamais veu reuenir pas vn de ceux qui faisoient le voyage vers le roy barbare, leut les lettres de Pausanie, esquelles estoit contenue la trahison cōtre son pays, & ensemble commādée la mort de l'embassadeur. Argille ayāt fait le rapport de cecy aux Ephiores. Pausanie est sommé de se représenter au senat, lequel pressé du ver de sa cōscience s'en alla dans vn temple à sauueté: mais tout ainsi que d'Isroyaumēt il auoit machiné cōtre son pays, il fut aussi cruellement occis dans le pourpris mesmes dedié à Pallas Celchedonienne, ie dis occis cruellemēt, à cause qu'on le cōtrignist y mourir de fain, ne vōlant sortir dehors pour respondre au Senat de ses crimes, & les autres n'osans violer le saint lieu, & le meurtir dans la maison consacrée à leurs faux dieux Plus cōscientieux certes que ceux de nostre tēps lesquels non cōtens de profaner les saints lieux avec tout genre d'abomination, tuēt les hommes mesmes dediez à Dieu, sans se soucier de la

iustice diuine, laquelle ne laissera non plus impunie leur peruersiō que la rebelliō contre leur prince, tout ainsi qu'en aduint à ce Roy miserable conceuant, & taschant d'esclorre la ruine de la liberte de son païs. Les Romains nous peuuēt enrichir d'histoires sans auoir recours aux grecs tesmoing cest illustre Capitaine Sertore, lequel arma les Espaignes, & païs voisins des mōts pyrenées contre le Senat, dressant vn mesme ordre & police que celle qu'on gardoit à romme, & vainquāt plusieurs armées enuoyées pour le ruiner, mais à la fin le Ciel ne pouuāt pl^s supporter sa rebelliō, & le fait tomber es mains de ses aduersaires, & paya au pris de sa teste l'vsure de sa temerité, & desobeissance. Retournons encor à l'histoire des Grecs: & voyōs les rois Asiatiques descendus des successeurs d'Alexādre: Demetrie roy de Syrie, b^{at} taillant cōtre les Parthes auoit vn general de son armée nōmé Diadene, & surnommé Triphon, lequel laissant son seigneur & se reuoltāt cōtre son roy, s'alla ioindre à Anthiochus surnommé Dieu, & le feit Roy de Syrie: & non content de sa trahison premiere, il y adiousta vne meschansetē pour suicroist de ses infidelitez: car ayant entendu dire, que Demetrie auoit esté occis par les Parthes, ce meschāt tyran, & pariure souilla ses mains du sang du miserable prince, que n'agueres il auoit fait roy de Syrie. Mais apres qn'il se fut rasasiē de meurtres, & eust trahy Ionathas: & Symō capitaines Iuifz & freres du grand Iudas Machabée, il fut

DISCOURS

vaincu, & occis par Antiochus surnomé Soter
 fils de ce Demetrie, cōtre lequel Triphō s'estoit
 reuolté premieremēt. Entrons plus auāt au tēps
 pour aprocher nos siecles, & regardons la fin de
 tous ceux qui cōspirerēt cōtre Iule Cesar, & ver
 rons que pas vn des coniuérateurs n'eschapa sans
 souffrir mort violente quelque grand force que
 il eust, & quoy que plusieurs soustinsissent leur
 cause, & Cesar mesme ayāt troublé l'estat de la
 police de la cité, par permission diuine fut occis
 par ses plus proches, & au lieu ou il exerçoit sa
 puissance. Je laisseray vn long cours d'histoires
 tout a escient pour euiter prolixité. Et vous
 proposeray vn que i'ay hōte d'estimer Chrestié
 si n'estoit qu'à present ceux qui s'estiment les
 plus reformez ne font plus cōscience de quitter
 l'honneur, & obeissance qu'ils doiuent aux rois
 contre l'estat, & vie desquels ils conspirent: ce
 luy duquel ie parle es Philippe Emp. celuy que
 on dit auoir esté le premier Chrestien d'entre les
 Monarques Romains: ce que bonnement ie ne
 me peux persuader. Ce bon galant connoit euz
 d'engloutir l'Empire, estāt vn des chefs de lar
 mée de Gordiā allant cōtre les Perfes, occist a
 uec poison le beau pere du Prince, puis faisant
 soustraire les viures aux Soldats, lesquels il feit
 passer par des pays secs & priuez de toute com
 modité, accusa Gordiā, cōme auteur de cecy, &
 feit si biē que l'armée se mutina contre l'Empe
 reur, & luy fortifié des Goths sur lesquels il cō
 mendoit cōmanda que la teste fut trenchée à ce

lay qui n'aguere commandoit à l'Empire Romain. Voila à quoy cōduit l'aucuglemēt de cōuoitise les hommes qui mesmes sont excellentz ostée ceste tache si villaine, & abominable. Veu que Philippe feit mourir Gordian innocent, & necessaire pour ses vertuz à la republique, & usurpa par trahison la principauté laquelle aussi il perdit par la desloyauté de Dece qui l'ayant occis, en despit de luy, à cause qu'il le scauoit affectionné aux Chrestiens, se mit à persecuter à toute outrance, & rigoureusement ceux qui faisoient profession du Christianisme. L'excuse Iulian l'Apostat de s'estre fait Empereur, vivant encore celuy qui estoit legitime heritier de constantin, à cause que ayāt fait banqueroute au baptisme, & faucé le serment à Dieu, en se retirant aux Idoles, & superstions des Grecz ne faut s'esbahir s'il se dispensoit du iurement de fidelité promis à son prince, Aussi Dieu punissant le fils de constantin suscita ce tyran troublant ses aises & puis chastia l'insolēce del' Apostat en luy accourcissāt sa vie malheureuse, laquelle si luy eust dure d'auantage ce n'eust esté sans dōner de grandes entorces à la religion Chrestienne, & catholique veu ce que desia il y auoit commencé. Et fault penser que les Iulianistes de nostre temps sont les fleaux de Dieu pour le chastiment & des princes, & du peuple: mais non si assurez en leur fortune, que Dieu ne les accable auent que leur malice parface ses desseins, parachute de ruiner la sainteté de la maison de nostre Dieu, ou ils

D I S C O V R S

font entrez auer rage, & ont ouuré sans aucune reuerâce. Je laisse aussi Gainas qui du temps de Arcade osa atrêter cōtre l'Empire quoy que estranger, Mais trop auancé en la court du Monarque, lequel il vouloit forcer de permettre temples en la cité royale pour ceux de sa secte, & Arrienne superstitiō. Aduertissemēt pour vo^r rois & princes, affin que par le peril d'autrui vo^r apreniez à ne vous tant fier de ceux qui changeans, de foy, se sont laissez aller aprez la paillarde heresie: car telles gēs sont importūs en requestes non iamais cōtāns ny satis faits, & les demādes desquels estans inciuelles, ne tendent qu'à trouuer moien de mescōtētemēt, affin de se couvrir de quelque raison s'ils vous font la guerre quelquefois: & si ie dis vray, ie m'en raporte à ce que vous en auez experimēté, & sentirez encore si les maux passez ne vous rendent plus aisez & mois aisez à estre persuadez à lez escouter pour l'aduenir. D'un cas aduertiray. ie les lecteurs qⁱ n'ōt guere feilleté les liures des historiēs que iamais il ne fut temps d'heresie, que les trahisons ne fussent en vogue & que les violemens de foy ne marchassent en Champaigne. Aduisez cōme Valens Empereur prist fin, comme Valentinian fut occis à Vienne au Dauphiné par le Comte Arbogast, & de quelle trahison vsa le pailiard Stilicon, à lēdroit d'Honorie Empereur: lequel s'entendant avec les Goths, Arriens & pouuāt empescher beaucoup de maux qu'ils faisoient es terres de l'Empire, voite laissans escouler les occasions

occasiōs de les cōbatre à son auātage: fut à la fin occis par la mutinerie de toute l'armée romaine ne se prenant garde de sa felonie, & detestable coniuration. Pleust à Dieu que ou bien la Frâce n'eust point eu de ses faiseurs d'intelligences, & hommes seans sur deux sieges & qui faisans les saiges, laissent couler le tēps. en accusant le peu d'oportunité, ou allegans d'autres & friuoles excuses: ou que le soldat fidelle à son roy eut vsé de meisme deuoir, & deportement que le camp romain à l'édroit de son prince, pour & le prouffit & repos de la republique de Frâce: car il vaut mieux que Stilicon & Ruffin périssent que nō pas que tout vn Royaume soit exposé en proye au pilleurs & brigās, & q̄ le roy voye hazarder ses estats souz la fiance qu'il auroit à telles dangereuses dissimulations: estāt moins à craindre l'ennemy qui tient la compaignie, & fait voleter les enseignes au vent, & luire les harnois au rebat que le soleil y fait dessus, que celuy qui faisant le sage (& peut estre) pēsant prouffiter, donne chemin à fortune, laquelle estant chauue par derriere, ne se laisse aitemēt reprēdre estant vne fois escoulée. Et quoy que ce genre d'hommes ne soient à nonmer traistres, si et-ce que cesté simple conuiuence est à vituperer, en tant que pour peu de respect elle est preiudiciable à la republique. Lisez quel malheur apporta à l'Empire Romain l'acte du general de l'armée imperiale du temps que Attile Roy hun fut deffait en Languedoc: car ne voulant point laisser hau-

DISCOURS

cer le Goth par l'accablement du Hun, il laissa
 eschaper Atile, estoit q deffait, & se fut tué qui
 eust poursuiuy la victoire: mais de ce destroit, il
 s'en va en son pays refait son armée, & entra de-
 rechef en Italie, sçait quel rauage il y feit, &
 quelles furēt, les citez brullées, & saccagées par
 l'Empire & les trahisons exercées par les con-
 spirateurs cōtre l'estat, & voyons les citez libres
 & lesquelles viuent souz leurs loix, & priuile-
 ges. La Cité saint Marc qui est la mieux policée
 de l'vniuers, n'a elle iamais senty de ces trauer-
 ses ausi bien que Rome, ou Athene? Si a cer-
 tainement, & ne fut que lors que Tripoli desi-
 reux de s'agrandir conspira de faire vn coup de
 sa main le iour d'une procession generale, tuāt
 la plus part du Senat pour enuahir la seigneurie
 & dresser vne succession non acroustumée en la
 dignité ducale de Venise. Mais son dessein fut
 preuenü, & sa meschanceté descouuerte & les
 seditieux punis selon la rigueur, & iustice de la
 loy. Qui rauist aux anciēss possesseurs de la grād
 Bretagne les sieges de leur habitation pour en
 faire seigneurs les Anglois, & Saxons, si ce n'est
 la trahison de Vortigere? Lequel ayant occis
 Constantin son Roy & seigneur, craignant que
 les freres du deffunct ne se vengeassent de l'in-
 iure qu'il faisoient s'en estans fuyz à garant en la
 petite Bretagne iadis pays des Armoniques,
 feit venir les Arabes, & infidelles en son isle, de
 laquelle en fin il fut chassé en payement de sa
 trahison, & infidelité, & le pays changea, & de-

non & de police. Et dautant que sur le commencement de ce discours, nous auôs parlé des Souldans d'Egipte, & du changement de leur estat, ie vous prie voir si la trahison s'estant insinuée en leur court n'a point esté dommageable à celui qui pour vouloir occuper le royaume, ou se venger de quelque iniure, oublioit & son deuoir, & la reuerence que on doit à ce non admirable de Roy, ou souuerain Prince. Il nous peut souuenir cōme ie vous ay mis en auât le dernier de la race de Saladin nommé Melechsala, qui vainquit les Chrestiens à Damiette en Egypte, ou le Roy S. Loys fut fait prisonnier avec la plus part de la noblesse Frāçoise: à la suite de ce Roy Barbare & parmy la troupe de ces Esclaues, & Mamelus en y auoit vn vaillant, & subtil, & hōme conuoiteux de regner, lequel est nommé Turquemede, ce paillard cōspirât cōtre sō seigneur gaigna ses cōpagnons, & les incita à massacrer, ce qui leur fut aisé, eux estās le choix de son armée & ceux à qui la garde de son corps estoit cōmise. Melechsala occis, personne n'osant s'opposer aux Esclaues. Turq̄ menē est esleu Roy, & Soudan de Syrie, & d'Egipte: mais il ne porta guere loing le crime de son infidelité, sās en auoir son salaire, car ses cōpagnons voyā: qu'il se gouernoit insolēment en sa seigneurie (cōme la puissance d'un petit surhaussé est toujours insupportable) marry de sō arrogāce le fōt passer par lechemī par leq̄l peu auparauāt Melechsala auoit pris voye, pour aller visiter ses peres aux enfers.

DISCOURS

Je laisse Cothe meurtrier de Turquemene occis
aussi par Bandocaber, & celuy osté de ce mode
par venin, affin de voir d'autres succez tristes de
ceux qui attentent contre la maiesté des rois &
supreme puissance des princes souuerains. Veu
que du temps que Zelin Empereur de Turquie
allant contre le Sultan d'Egipte, à peine eust il
obtenu l'Empire des Mameluz sans la trahison
de Gazelles, & Cayerbæy, qui laissant leur Roy
se retirerent vers le Turc lequel les ayant agrâ-
dis, ils se ruinerét à la fin l'un l'autre, pour por-
ter la pœnitence de la trahison faite cōtre le vail-
lant Tomonbey Soldan qui se fioit du tout en
leur loyauté, & diligēce. Miserable conditiō de
ceux qui commandent lesquels soubz l'apast de
telle puissance sont les Esclaues de ceux mesmes
sur qu'ils ont commandement: & est leur mise-
re si grande que le sang conspirant contre soy-
mesme, on voit que les proches parens souillēt
leur renommée pour felonement s'acharner sur
ceux qui sont de leur famille, affin de paruenir
a plus grandes richesses, Ce que les Sforces sei-
gneurs de Millā qui du temps de Charles 8. feit
mourir son neveu pour tenir lebrement l'estat
de Milan, vous fera cognoistre quelle fiance il y
à es hommes depuis quil est question de regner
le mesme aussi seruira d'exemple à ceux qui at-
tentent telles trahisons, estant proposé comme
vn mespris de fortune en ceque perdant sa sei-
gneurie il se veit prisonnier de Loys douziēsmē
du non du Roy de France. Que me proffitera de

mettre en ieu l'Escosse, ou les seditiōs y sont aus
si frequentes, & coustumières comme on y voit
de princes venuz nouuellement à la couronne
Les Roys Fergus, Malchome, Duffe, Kenede,
Duncan, & Robert Brisée feirēt seditions, & en
souffrirēt, & si vous vōulez prendre la peine de
lire l'histoire des Escossois vous y trouueres in-
finité d'exemples de trahisō, & la ruine de ceux
qui en vsent assez soudaine, comme par vn iuste
iugemēt de Dieu ne laissant telles fautes impu-
niées. Voyons qui ruina l'estat des Roys d'Es-
paigne descēduz de la race des Gotz: il n'est rien
plus assuré que bien souuēt l'insolēce d'un prin-
ce est cause que les suiets s'egarēt de leur deuoir
iaçoit que la desloyaute ne puissent trouuer cau-
se qui soit raisonnable, & ne se presente occasion
laquelle iustemēt sçache courir la faute de ce-
luy qui se reuolte de son souuerain. Don Ro-
drigo Roy d'Aragon, ayant violé la femme du
Conte de Biscaie nommé Iuliā, causa que ce sei-
gneur trāsporté de fureur, & ialoux de son hō-
neur, n'ayant moyē de se preualoir contre ce-
luy qui auoit fait ce tort, se retira aux Mores en
Affrique, lesquels passans en Espagne s'en fei-
rent seigneurs & occirent le roy que Iuliā pour-
suiuoit, estāt le traistre pour sa recompense en-
uelopé en la misere cōmune du pays qu'il auoi-
védu & liuré aux in fidelles de Barbarie. Voyez
l'infidelité d'un Chrestien; qui pour se venger
d'un tort particulier, trahist son pays à ceux qui
aimoyent bien sa trahison comme proufitable,

DISCOURS

mais le detestoient comme homme indigne de
viure apres auoir esté si pernitieux que de ne te-
nir autre epôte de la liberté des siens, Berenger
Raymond cōte de Barcelonne prince fort loué
pour ses vertuz, estant occis par son propre fre-
re lequel aspiroit à la principauté, quoy que
osté de ce mode ne lâissa l'heritage à celuy qui
le vouloit vsurper: car le meurtrier tombé en la
male grace du peuple & hay a mort de la nobles-
se, marrie de la perte d'un si excellent homme
que le comte Raymond, fut cōtraint de s'enfuir
en leuât auquel voyage il finist sa vie miserable
Et puis que nous sommes sur le propos d'Espai-
gne auisez quelle issue eust la ligue qu'on dit de
l'vnion audit pays au commencement que cha-
les le quint Empereur s'enfuit de vailladolid,
pour euites les seditions des nobles du pays, Li-
sez aussi comme se sont trouuez les citoyens de
Gand bastissans factions & monopoles con-
tre ledit Prince, & avec quelle rigueur il punist
les seditieux. Et d'autant que de mon temps les
plus accorts, & subtils qui dressent ligue, &
menées s'arment de la purité de la religion, &
pésent auoir iuste occasiō souz telle pretēte de
prendre les armes cōtre leur roy, ie priay tout
François qui n'a point souillé son ame de telle
corruption, de quelque opinion, ou estat quil
soit, de voir l'histoire des Boësmes & avec quele
rage ils se sont oposez à leurs rois, estants infec-
tez de l'herreur des Hussites, & Vviclenistes, &
comme ils ont esté chastiez de leur folie & opi-
niastrise en fauce opinion. Car Zisca le seul ap-

puy des heretiques & vn des plus vaillants hommes de son temps ayant fait infinité de maux, fait renolter les suiets de leur naturel prince: brusser les saints lieux, sacager les Eglises, ruiner & demolyr les autelz, brusser les images, polluer le saint sacrement & vser de tout genre d'impieté, duquel ne s'abstiennēt les successeurs de Caluin à present en France, il rendit l'vsure de ses meschansetez alors, que le plus il faisoit tout trembler au simple recit de son nō, & renō effroiable de sa cruauté & vaillance: veu que l'Empereur Sigismond Roy de Boesme voyant que Zisca estoit celuy seul qui tenoit en main la volonté des Boesmes, & quil estoit si hureux en ses entreprises que toutes choses sembloiēt luy succeder comme à souhait, feit tant quil le gaigna par promesse de le faire son lieutenant general, & ensemble de luy ordonner bonne & suffisante pension, pour se maintenir en ceste autorité. Mais Dieu qui vouloit recompenser ce traître plus iustement que le Roy qui le caressoit esmeu de crainte, l'osta de ce monde, luy estant enuoye pour aller vers son Prince : à cesté cause *Ænée Syluie* dit de luy. Ce monstre detestable, cruel, horrible, & fascheux à tout le monde, n'ayant peu estre surmonté par l'effort, & puissance humaine, fut accablé & estant esteint par le doigt redoutable du tout puissant. Je laisse à penser à tout bon Chrestien si le mesme n'est aduenue de nostre temps à des heretiques, qui sembloient fêez en leur vaillance, & conduite,

D I S C O V R S

lesquels la fieur, la pesté, & la rage a vaincuz,
 & les a salariez de la recompence ordinaire de
 tout seditieux, & rebelle. Et afin que vous co-
 gnoissiez de tât pl^r l'admirable iugemēt de dieu
 contre tout homme qui se reuolte & de la foy
 & de l'obeissance. tant celle qui est sacrée à dieu
 que celle qu'on promet aux hommes. Les here-
 tiques mesmes sont ceux qui punissent les infi-
 delles & desuoyez ainsi que Zisca desfit les Ada-
 mites le plus sot & abhominable genre d'he-
 retiques qu'on aye guere leu és histoires, sauf
 les Anabatistes, l'eceruelement desquelz à con-
 traint de nostre temps les autres schismatiques
 à leur faire la guerre & tascher d'en oster la me-
 moire de ce mode. Ce seul point nous deuroit
 contenir en denoir, & en louant Dieu, embrasser
 son Eglise, & ne sortir iamais de ses voyes, ad-
 mirant, seruant, & honorant nostre roy, & ceux
 qu'il enuoye fidelles executeurs de sa volonté:
 ven que nulle espee de trahison, ou reuolte,
 plante iamais si viuement son pied, qu'un leger
 vent n'e ruine soudain tout l'edifice. Et a beau
 se glorifier en sa force celuy qui se vâte d'auoir
 fait la guerre à son Roy par l'espace de xx. ans
 car il ny à pas encor esclaué tant de milliōs d'ō-
 mes, qui ne ploierent onc le genouil deuant Baal
 & ne souillerēt en l'abominatiō de l'idole enfâ-
 té du Calvinisme, Quils se souuiennent de ce
 qui s'est passé de nostre memoire en Alemaigne
 entre quelques Princes protestans, & ce grand
 & admirable Empereur Charles d'Autriche, &
ie suis

ie suis seur que si le transport ne les aueugle ils iugeront avec moy, que la reuolte punist rous- iours & deshonnore son maistre: C'est gentil es- perit Loudunois qui de nostre temps souz le nō d'imitations à enrichy la France de la plus part des beaux enseignemens de Palingene dit en quelque passage.]

*Mais mal-hureux celuy, qui va baissant la teste,
Qui suit son propre sens, & non plus que vne beste
Des choses à venir n'estant point cognoissant,
Regarde seulement à ce qui est present.*

L'ameine cecy à cause que nous sommes à pre- sent si esto urdis que quoy que les maux passez nous deussent faire sages, & nous faire prendre cōiecture, voire assurance sur ce qui est à venir, si est-ce que destournant nostre veuē du neces- faire, nous oublions à dessigner les moies de nous donner plaisir au temps ou le plus il faut peiner pour bastir le fondement de nostre aise, autāt de no^r esloigné, cōme nous sōmes esgarez de celle prudēce qui seule peut ouurir les yeux pour prē dre esgard à l'alegemēt de nos peines, No^r auōs ce me semble assez deduit d'exemples cruelles és iardins des estrangers, & desquelz chacū peut tirer la preuue de ce que iay proposē or reste de faire vn amas legeremēt entassē de ce qu'on peut couper és vergers de l'histoire Frāçoise afin que les nostres esueillent noz esprits, & que les faits de noz maieurs nous desuoilent de ce bandeau qui empesche que pouuons voir l'aduenir, & iu-

D I S C O V R S

ger du futur par les occurances des choses passées. C'est vn grand cas que la maison de France heureuse en ses entreprises & guerres dressées contre les estrangers, n'aye guere senty persecution que par le moyen & desloyauté de ceux de son sang, ou par la trahison d'hommes montez en honneur par la liberale courtoisie des princes souuerains de ce royaume. Clotaire premier du nom, fils du grād Roy Clouis, ayant vn bastard nommé Chranne sentist les angoisses que vn pere souffre voyant la meschanseté de celuy qu'il souhaite vertueux pour estre sorty de ses entrailles: car ce fils ingrat, & desloyal plain de ruses, & tromperiees, & autant temeraire, & audacieux, comme nature l'auoit doué d'vne beauté sur toute autre excellente, sans le consentement du pere se meit à faire du roy en Guienne tyrannisant chacun, & pilliant les biens des miserables suiets de son pere. Le Roy tasche d'attirer cest enfant à respiscence & l'amoneste de venir vers luy pour y viure à son aise, Charnne mesprise son pere, & s'en va à Paris vers Childebert qui estoit pour lors ennemy de clothaire & lequel il induit à machiner la mort de son pere, & frere dudit Childebert, ce qui s'en fust ensuiuy, si Dieu rompant leurs desseins n'eust osté de ce mode le roy, fauorisant la rebellio de cest enfāt infidelle. Leql voyāt son oncle mort & craignant de tomber es mains de son pere, se fuit de rechef en Guienne, ou il recommença à affliger les Auerngnatz, & le pays de Limoges.

Clothaire enuoya ses enfans legitimes Cherebert, & Gontran, à cause qu'il estoit empesché en la guerre contre les Saxons, Le Bastard s'aydant du temps, & trompant, par faux bruit, de la mort du Roy, les deux freres, qui se retirerēt s'en alla à Chalons en Bourgongne, & l'ayant prise, prist la route vers Dijgeon. Mais oyāt que son pere luy venoit au rencōtre se retira en Bretagne, & la attendist la fortune, qui luy tournant le doz, le rendist être les mains de Clothaire, lequel le feit brusler avec ses enfans, afin que d'un felon n'en demeurast rien que la seule memoire, ainsi que les loix anciennes portoiēt que le traistre deuoit estre aneanty iusque à la troisieme generation. Auāt que sortir de la premiere race des roys François n'oublieray les rebellions de Gondouault, soy disant fils de Clothaire, & frere du roy Gontran, lequel souz ce tiltre, & se plaignant du tort qu'on luy faisoit, en ne l'apannageant point comme enfant de Frāce attirant plusieurs à soy se saisist d'une partie de Languedoc, soustenu de quelques Euesques fort mauuais garçons, & courut Agenois, en fin oyant la venue de Gontran roy d'Orleans, & de Bourgongne, se retira en cominge, & fut assiégé en la cité à present dite Saint Bertran, & pour lors la cité des comingeois, ou il fut réduit entre les mains des chefs de l'armée royalle, & traité cōme abuseur & trahistre & ceux mesmes qui le trahirent furent punis de mort, comme luy vñs d'infidelité à l'endroit de celui qui se

D I S C O V R S

floit en eux, & lequel ils auoient incité à telle sedition, & reuolte. Je suis ioyeux que les rebelles m'ayēt acheminé iusqu'au point de ceste histoire afin de taxer l'ignorance d'un qui voulant faire le suffisant en la descriptio de l'histoire fabuleuse qu'il a dressé des Comptes de Foix, & seigneurs de Biarn, ose biē dire les Comingeois n'estre que depuis cinq cens ans, & leur terre de nouueau habitée: la pour le conuaincre de mesonge i'ay Gregoire de Tours, & Aymon moyne, qui chātent autrement: disant ce pays auoir esté habité depuis les Romains, & faisans mention de Cominge Euesche sur vn mont, qui est le lieu de saint Bertan, ou l'Eglise pour lors portoit le non, & tiltre du bien heureux Diacre & martir saint Vincent: mais reuenōs a noz rebelles, & a leur payemēt, Le fils de Sigisbert, & de Brunichelde nommé Childebert premieremēt Roy d'Austrasie, & depuis Empereur & Monarque des Gaules experimēta s'il se fait tousiours bon fier és grands qui souhaitent amplifier leur puissance veu que luy estat institue heritier par le testament de son oncle Gontran roy d'Orléās & Bourgoigne, il entendist qu'Vrsion, Hirtensfrede, & Rachuinge des premiers de son royaume, auoiēt conspire cōtre luy & taschoiēt à le faire mourir. Mais cōme Dieu est soigneux de ses oincts & ne veut que le conseil des traistres le plus souuēt viēne à sa fin & effect, lors q ces princes y pensoiēt le moins & estoient sur le point de executer leur complot allant en court

expres pour cest affaire, ils se veirent en vn rien accablez, & occis l'vn, des que fut arriué au palais, à sçauoir Rachuinge lequel estoit du sang roial, & fauori au parauant du Roy Childebert Mais Vrsion se sentant soupçonné, & ne sachât le moyen deschaper, s'enfuit en vne Eglise, ou estant contraint de sortir pour ce qu'on y auoit mis le feu, se voit soudain massacré par Gaudegissille qui poursuiuât les cōspirateurs avec l'armée royalle: Hirtenfrede s'en estant fuy à Verdun en Lorraine & se iettât à garans d'ans vne Chapelle, ne peut eschaper le iugemēt de celuy qui hait les cœurs rebelles, & detestent ceux qui conspirent contre la vie des Roys qui sont les ministres de sa iustice, car le susdict Capitaine, enuoye de la part du roy, le fait occir dās ledit oratoire. Et pleust à Dieu q̄ ceux qui ont basty de pareils monopoles, & ordiées semblables trahisons de nostre temps, eussent en paiement de mesme monoye: afin que l'Eglise estât en repos le Roy sans ennemys, & le Royaume sans pilleurs Dieu fut serui & nous soulagez de craintes, soubçons & miseres. Qu'auons nous affaire de ce grand plein de troubles enfans de Clouis puis que Charles le grand cogneut les cōspiratiōs de son propre sang, & Louys le debōnaire fallut que deuinst seuer & cruel à l'édroit de sō neueu mesme? En q̄ se fierā l'on si les enfans s'emeuent, & si les seruiteurs domestiques aiguissent le fer pour esprendre le sang de leur seigneur, & prince? Lysons l'histoire des

DISCOURS

Lombards, & verrons Romilde ne faire consciēce de trahir sō propre pere, afin de iouir des embrasemens du Roy des Auares, ou Bauares, & Hongres, lequel detestant la paillardise de ceste princesse, apres luy auoir tenu promesse en l'espousant, la feit passer par tout le camp, & puis empaler, luy disant telles ou semblables paroles: C'est le mary que tu merites, puis que pour le plaisir de ta ribaude chair, tu n'as fait conscience de liurer ton pere, & ton pais à la mort, & dure seruitude. Te laisseray ces troubles si anciens, & les atentats de Robert Côte de Paris, & frere d'Eude Roy presomptif de France, ensemble la fin du susdit cōpte, & ne reduiray en memoire les conspirations de Hebert Comte de Vermendois, emprisonnant son roy, & le faisant mourir captif, et cōme il fut puny pour sa mesprison, et felonnie, car le discours en seroit trop long, et pour le present ie ne peux m'amuser à le faire les narations si longues. Venons donc à la troisiēme ligne des Roys de France, apres capet forty de Hue le grand, lequel grand estoit fils de Robert, & d'vne sœur de Hebert cōpte de Vermendois, tous deux morts en voulant vsurper le royaume sur le sang de Charlemagne de quoy à la fin leurs enfans vindrent a bout, & encore endure le sang & famille & aduison que ce que plus à fortifié le pied du bastiment de ceste race ça esté la gaillardise avec laquelle ils ont rabaisfé l'orgueil des persecuteurs de l'Eglise, ayās sine opinion, que celuy qui obstinement s'attaque

aux choses sacrées, n'aguerre grâd desir, de soumettre le col à la puissance du glaive royal. Qu'il soit ainsi Ramard Compte de Sens infidelle sur la mesme infidellité, se prist à persecuter l'Eglise, & tourmenter le saint prelat seant en ladicte cité: lequel s'adressât au Roy Robert fils de Capet fait voir à chacun quel proffit à le suiet de dresser les cornes contre son souuerain, veu que le comte Ramard s'enfuiant tout nud, Fremôd son frere fut memé prisonnier à Orleans, ou il fina sa vie fort miserablement. I'obmets les rebellions des seigneurs de la Beaussé & Gastinois & des côtes de Corbeil, & de Champaigne cōme chose assez legere & passeray legerement les folles entreprises des seigneurs de Polignac, Clermont, & Bourbon, auât que le Bourbōnois tombast en la maison de France, quoy que ces seigneurs s'attaquassent aux Ecclesiastiques, à cause que les roys en vindrent soudain au dessus & chastierent l'insolence de ces seditieux, tyrâs & rebelles: N'ay affaire de vous rôpre les oreilles de la mort espouventable du Bailly: ou comte de Mascon, que le Diable emporta visiblement & en face de tout le monde, à cause des tyrânies exorbitâtes desquelles il ysoit sur le pauvre peuple qui luy estoit suiet, & de la guerre continuelle qu'il faisoit à l'Abaye de clugny, de laquelle il enuahissoit contre tout droit les richesses: car ceste histoire, outre que plusieurs durs à croire, la tiendroient pour suspecte, & indigne de foy encore a elle la punition si soudaine que

DISCOURS

presq̃ la faute n'a pas esté si tost cōmise qu'à l'in-
stāt le comte n'ait senty la vengeance effroiable
du tout puissant. ce qui aduint du tēps de Louys
le ieune, lequel dompta ausi la rebellion des ha-
bitans de Vezelay, lesquels mal traitoiēt les re-
ligieux de l'Abaye de la magdalene: & plust à
Dieu que l'on eust ceste annce passēs deffendu
ausi bien les reliques & precieux reliquaire du-
dit Vezelay, comme cē bon roy garenty lors les
moynes de l'insolence des citoyens: car les Pro-
testans n'eussent point fait de beaux testons de
la chassē comme ils ont fait & la pierrerie ne se-
roit tombée és mains de ceux qui sont dignes
qu'une pierre au col leur face faire le fault en la
riuiere. Je passeray ausi legerement la rebellion
de Languedoc, Prouence, Albigeois, Agenois
Foix, Cominge, & Bigore, so' l'heresie detesta-
ble des Albigeois, me contentent de ce qu'on en
voit escript en latin par vn bon moyne qui viuoit
du temps de ceste guerre, & rebelliō, & laquel-
le histoire nous à mis hureusement en françois
messire Arnault Sorbin Euesque de Neuers hō-
me que nature à doué d'une grand eloquence &
la façon de dire duquel est louée & par les scauās
& par les plus grans, & illustres de ce royaume
Aussi la recherche de tant d'exemples semble-
roit superflue, n'estoit que ie suis sur que plu-
sieurs serōt ioyeux qu'on leur dōne de quoy s'en
richir en l'histoire pour faire teste aux rebelles
& leur monstrier par ce qui est passé, que ceux
qui à present s'esmeuent auront salaire aussi.

greable que ceux lesquelz iadis n'on craint de courrousser Dieu en s'armant traistement cōtre leur princes. De quoy me fera foy la grand def-faictte des flaments du temps, de Phillipe le Bel Roy de Frāce. qui en vne bataille dōnée à Mōts en Haynault ou il meit a mort 36000 mille hōmes & abaiſſa l'orgueil de ceste nation furieuse & ſuiette a mutiner, & rebellion: Et de cecy ſeruiront de tesmoings ceux qui du temps du Roy Jean tindrēt teste au Dauphin, fauorisant le roy Charles de Nauarre lequel auſſi ſētist la rigueur du iugement de Dieu, pour les machinatiōs, cōplots ligues, & factiōs dressées contre son ſouuerain, lors affligé de maladie il mouruſt bruſlé d'une façon la plus eſtrange du monde. Et chacun ſçait en quelle ſorte la maiſon de Bourgoigne eſt venue en decadēce, ſ'eſtans par trop emācipez les Ducs dudit pays de l'obeiſſance des Roys, deſquelz ils auoient en leur auancement de ſorte que la ſeigneurie en eſt tōbée és mains de ceux qui eſtoient bien eſloignez de telle famille. On n'ignore point auſſi que le cōte d'Armignac dernier du ſang, perdiſt ſes terres pour felonnie ayant conſpiré contre Loys onzième, & penſant regimber contre l'eſperon, eſtant occis à Lectore ville capitale d'Armignac, quoy q̄ infidelement on vſaſt contre luy apres la foy iurée, & promiſe: mais les policeurs & mondains diſent que ce n'eſt point pariure, ny infidelité de faucer le ſermēt a celuy qui eſt infidelle: touſſois quelle que ſoit leur fantaſie, ou opinion

DISCOURS

encore que le plus conscientieux legiste tramô-
 ran tachast de me le faire croire si ne scauroit il
 me persuader chose tant inique : souz Charles
 huiëtiesme, Louys d'Orleans (qui à depuis regy
 le Sceptre de France autant heureusement &
 equitablement que Roy qu'on sache, ou treuve
 dans les histoires) qu'il s'arma contre le sou-
 uerain, secouru des Bretons, & Gascons: mais à
 la fin le duc d'Orleans experimenta la reigle ge-
 neralle des rebelles, & tombant és mains de son
 ennemy se veit vn lon temps estre en grand dâ-
 ger de perdre la vie. Notable exemple aux prin-
 ces & seigneurs de ne rien attenter qui soit in-
 iuste, ou de mauuais, exemple: afin que le mal-
 heur qui est defferé de dessus leur teste, ne soit
 reserué pour le defastre, & accablement de ceux
 qui leur suruiuet. Souuienne vo' suiects du roy
 quelle fin eurent les reuoltes de Guienne à l'ad-
 uenement de Henry 2. à la courône, & cōbien
 tost seuanouist le feu d'vne sedition quand le
 Roy parle, & se môstre courageux à l'estaindre
 Encore fume celle torche allumée aux troubles
 d'Amboise, mais si François second eust vesceu
 i'ay belle peur qu'il ne seroit plus memoire ny
 du flambeau, ny des estincelles qui n'agueres
 brillonnoient par la Frâce. Et lesquelles apres si
 longue patièce du Roy, & princes du sang pes-
 rant si viuement esparduées par ce Royaume
 qu'il sembloit que l'Eglise fut sur le point d'es-
 tre accablée, & la couronne ostée aux enfans le-
 gitimes, on à veu que l'ancien des iours s'fueil-
 lant à estaint ce flambeau d'orgueil & abatu la

testé de Goliath, lequel auoit si long temps blas-
pheme cõtre le saint Dieu des armées vousauez
veu Chrestiens vne troupe heretiq brauer par ce
royaume treschrestie, estre si auâcée en leur te-
merité, qu'abusant de la bõte du roy, il sembloit
que voulussent brider sa puissâce: tout depèdoit
deux, rié de bien fait que leur chef ne l'auouast
& que ceux de sa ligue ne l'aprouuassent: la paix
& la guerre estoit en leur main, les lignes
à leur deuotion & volonté, chacun depen-
dant de leur fantasie: Qu'en est il aduenu? vn
fait semblable que celuy de la ruine de Honna-
cheril: car sur le point de leurs triõphes, leur
chef est blecé, ceste blessure leur piquât au cœur
& en voulât poursuiure la vengeance (cõme tout
heretique est insolét, & vindicatif & sur l'innocent,
& sur le souuerain ils se sont veuz surpris
au piege dressé pour ceux qu'ils pretèdoiet sur-
prèdre, & ôt cognu que iacoit que les enfans de
ce siecle soiét sages, & auisez, si est ce que la pru-
dence qui vient d'enhault les abestit & rompt
leur conseils & dessins. Dieu punissant l'in-
iure faite à ses saints misteres, à la memoire
des martirs aux lieux sacrez à sa diuinité, &
aux personnes dediées à son seruice: vous ne crain-
derez plus ces premiers remueurs de menage,
car vn tombeau cõmun & le cousteau vègeur
à mis a bas, & a soulagé la France de tel fardeau
& deliuré voz cœurs de telle facherie. Cõtèple
peuple François, & quicõque sois qui liras ceste
opuscule comme nostre dire est veritable que

DISCOVRS

Dieu ne souffre iamais regner celuy qui leue la main cōtre son prince, & qui fait la guerre à son Eglise. Ce n'est assez que de cōmēcer vn bō œu-
 ure q̄ ne le cōduit à la fin: & iamais les testes de
 l'Hydre ne cesserent de regeimer, iusqu'à tant q̄
 le feu, & fumée estouferent du tout ce maudit
 mōstre. C'est vn estrange Serpent que l'Herésie
 c'est vn furieux venin que la trahison, & vn es-
 trāge mal que le desir de v̄geāce: mais c'est vn
 bō remede que la hastiueté à tout couper, ruiner
 & anuller, car ostée la teste, & les racines il ne
 faut plus craindre que les bestes reuiuent. Vouz
 donc ayāt vaincu l'ēnemy domestique. enchassé
 l'heresie & cōfusion de voz terres, & Seigneu-
 ries-irez heureusemēt plāter le bō heur, fœlici-
 té & renon de voz victoires, és bornes & limites
 de celuy lequel s'assied avec orgueil, & mespris
 des roys Chrestiens sur le trosne qui seruoit iadis
 de lustre, & ornement à l'Europe, & auquel ont
 commādé plusieurs Princes sortis de l'estoc, &
 sang heureux de Frāce: Et ce sera lors q̄ les bons
 esperits s'occuperōt avec ioye, à haut louer Hē-
 ry le triomphant, & dōpteur des monstres Cal-
 uiniés, & a faire recit des gestes glorieux de mes
 seigneurs du sang & de to^r les seigneurs qui ser-
 uāts dieu, vous suiuañts, & aimāts la France, o-
 ront punis les traistres & deliuré le monde de la
 plus infame semēce qui iamais & profané & al-
 teré la benedictiō que Dieu à doné sur la terre.

FIN DV DISCOVRS

sur les rebellions.

2,000:





